

詩
經
類
考

詩經類考卷之二

明武塘沈萬鈞仲容采輯

逸詩考

支

天之所支不可壞也其所壞亦不可支也

國語

狸首

曾孫侯氏四正具舉大夫君子凡以庶士小

周詩有之曰云云昔武王克商而作此詩也以爲猷歌名之曰支以遺後之人使永監焉

大莫處御于君所以燕以射則燕則譽質叅

旣說執旌旣載于戾旣抗中獲旣置弓旣平

張四戾旣良決拾有常旣順乃讓乃揖乃讓

乃躋其堂乃節其行旣志乃張射夫命射射

詩經類考

逸詩考

一

者之聲御車之旌既獲卒莫若獲寧侯爲爾
不朝于王所故亢而射汝強食食爾曾孫侯

氏百福由此觀之狸首詩未忘也

大戴禮○儀禮註狸

首逸詩曾孫也狸之言不來也其詩有射諸侯首不朝者之言狸性善搏其行則止而擬度馬射者持弓審固之意合矣狸首之斑然執女手之卷然

禮記

轡之柔矣

馬之剛矣轡之柔矣馬亦不剛轡亦不柔志

氣庶庶取與不疑

周書○左傳國子賦轡之柔矣註見周書

驪駒

驪駒在門僕夫具存驪駒在路僕夫整駕

大戴

禮文選

註同

祈招

祈招之惜惜式昭德音思我王度式如玉式

如金形民之力而無醉飽之心

左傳穆王欲肆其心周行

天下祭公作祈招之詩以止王心○家語形作刑

麥秀

麥秀漸漸兮禾黍油油彼狡僮兮不與我好

今史記箕子作

九夏

王夏

王出入奏也

肆夏

尸出入奏也

韶夏

在出入奏也

納夏

四方賓客來奏

章夏

臣有功奏

齊夏

夫人祭奏

族夏

族人酌奏

斌夏

賓酌而出奏

驚夏

公出入奏

唐皮日休有補九夏歌斌

夏作祓夏杜子春云祓讀為陔鼓之陔周禮

註九夏皆詩篇名頌之旌類也樂歌之大者

名夏

繁遏渠

國語先樂金奏肆夏繁遏渠天子所以饗元侯也註肆夏一名樊部夏一名遏納夏一名渠

采薺

周禮行以肆夏趨以采薺註樂名或曰逸詩禮記作采薺

招雍

肆夏

孝成

尚書大傳維五紀奏鍾石論人聲招樂興於大麓之野

新宮

事還歸三年謾然乃作大唐之歌招為賓客雍為主人始奏肆夏納以孝成儀禮燕禮下管新宮註小雅逸篇左傳宋公賦新宮大射儀乃管新宮三終註管謂吹簫

鳩飛

以播新宮之樂○朱文公曰或曰忠即斯于詩國語秦伯賦詩鳩飛註謂小宛之首章

河水

左傳晉公子賦河水國語註河當作沔

九德之歌

周禮

明明

崇禹

生開

周書世浮篇篇人奏武萬獻明
明三終奏崇禹生開三終○詩

詩篇

武宿夜

禮記舞莫重於武宿夜註武曲名○止義武
王至商郊停止宿夜士卒皆歡樂歌舞以待
旦故名焉

茅鴟

左傳○工誦茅鴟註刺不敬

巧笑倩兮美目盼兮素以爲絢兮

唐棣之華偏其反而豈不爾思室是遠而

翹翹車乘招我以弓豈不欲往畏我友朋

雖有絲麻無棄菅蒯雖有姬姜無棄蕉萃凡百君子

詩經卷之六
莫不代匱

周道挺挺我心局局講事不令集人來定

俟河之清人壽幾何兆云詢多職競作羅

周詩有之

我無所監夏后及商用亂之故民卒流亡

禮義不愆何恤于人言

淑慎爾止無載爾僞

我之懷矣自詒伊感

左傳

相彼盍旦尚猶患之

昔我有先正其言明且清國家以寧都邑以成庶民

以生誰能秉國成不自爲正卒勞百姓

禮記

皇皇上天其命不忒天之以善必報其德

家語

四牡翼翼以征不服

九變復貫知言之選

漢書

浩浩者水育育者魚未有室家而安召我居

管子

浩浩白水儵儵之魚君來召我我將安居國家未定

從我焉如

列女傳古有白水之詩

鳳凰秋秋其翼若干其聲若簫有鳳有凰樂帝

心

如霜雪之將將如日月之光明爲之則存不爲之則亡
國有大命不可以告人妨其躬身

長夜漫漫兮永思騫兮大古之不慢兮禮義之不愆
兮何恤人之言兮

涓涓源水不壅不塞轂旣破碎乃大其輻事已敗矣

乃重太息

墨以爲明狐狸而蒼

荀子

將欲毀之必重累之將欲踣之必高舉之 唯則定

國 君君子則正以行其德君賤人則寬以盡其力

無過亂門

呂氏春秋

魚在在藻厥志在餌

大戴禮

青青之麥生于陵陂

莊子

必擇所堪必擇所堪

墨子

樂矣君子直言是務

晏子春秋

木實繁者披其枝披其枝者傷其心大其都者危其

國尊其臣者卑其主

服難以勇治亂以知事之計也立傳以行教少以學義之經也

樹德莫若滋除害莫若盡

行百里者半于九十

大武遠宅不涉

戰國策

縣縣之葛在于曠野良工得之以爲絺紵良工不得枯死于野

皇皇上帝其命不忒天之與人必報有德

說苑

舟張辟離鷁鷁相從八風回回鳳皇喈喈

尚書大傳

登彼西山兮采其薇矣以暴易暴兮不知其非矣神

農虞夏忽焉沒兮我安適歸矣吁嗟徂兮命之衰

良工之子必先為箕良冶之子必先為裘列子古詩言

佞人如蟬集韻

得人者興失人者崩史記

駕辯楚辭大招伏義駕辯楚勞商只○古曲名○文選註伏義作琴始造此曲

網罟隋樂志伏義有網罟之詠○夏侯玄辨樂論伏義氏因時興利教民田魚天下歸之有網罟之

歌

豐年辨樂論神農教民食穀有豐年之詠

八關呂氏春秋葛天氏歌一曰載民二曰玄鳥三曰遂草木四曰奮五穀五日敬天常六曰達

帝功七曰依地德八曰總萬物之極

卿雲

舜○尚書大傳

南風

舜○家語○尸子

哲陽

南陽

初慮

朱于

苓落

歸來

縵縵

破斧

尚書大傳虞傳維元祀巡守四獄八伯每至其方各貢兩伯之樂其歌名云云後闕其一
呂氏春秋夏孔甲作爲
破斧之歌實始爲東音

燕燕

呂氏春秋有燕氏二女作歌一
歌曰燕燕往飛實始作爲北音

晨露

呂氏春秋湯命伊尹
作爲大漢歌晨露
穆王穆天子傳

黃竹

丘陵歌

哀公使以幣如衛迎夫子而卒
不能實用也故夫子作此歌

登彼丘陵刻施其阪

丘陵謂王室
阪指諸侯

仁道在邇求之若

詩經類考

卷之二十一

下

言系卷之六
遠遂迷不復自嬰屯蹇喟然迴慮題彼太山

題顧鬱

確其高粱甫迴連

梁甫指三桓

枳棘充路陟之無緣將伐

無柯患茲蔓延惟以永嘆涕實潺湲

楚王使使奉金幣聘夫子冉有宰予慶夫子道將行而問太公許由孰賢於夫子夫子別白其獨善

兼利且嘆世無文王而作焉歌曰

大道隱兮禮爲基賢人竄兮將待時天下如一欲何之

注麟歌

唐虞世兮麟鳳遊今非其時吾何求麟兮麟兮我心

憂

以上出孔叢子

君子有酒小人鼓缶

皎皎練絲在所染之

以上載藝苑卮言

立我蒸民莫匪爾極不識不知順帝之則

康衢

黃之池其馬歎沙皇人威儀黃之澤其馬歎玉皇人

受穀

黃澤

白雲在天山際自出

白雲○以上古詩

卿雲爛兮糺縵縵兮日月光華旦復旦兮

卿雲

南山有鳥北山張羅鳥自高飛羅當奈何

鳥鵲

日月昭昭兮寢已馳與子期兮蘆之漪

漁父○以上古歌

習習谷風以陰以雨之子于歸遠送于野

荷蘭

隴頭流水流離四下念我行役飄然曠野

隴頭○以上古詩

皇皇惟敬口口生垢口戕口

口銘太公陰謀

毫毛茂茂陷水可脫陷文不活

筆

與其溺于人也寧溺于淵溺于淵猶可游也溺于人不可救也

鹽盤

一命而僂再命而偃三命而俯循墻而走亦莫敢余侮

饘于是粥于是以糊余口

鼎○以上古銘

荷此長耜耕彼南畝四海俱有

齊祠田

皇皇上天照臨下土集地之靈降甘風雨庶物羣生

各得其所

用祭天○以上古辭

鳳凰于飛和鳴鏘鏘有媽之後將育於姜

懿氏○古

涓涓不塞將爲江河

黃帝語

畏首畏尾身其餘幾

古諺

附補九夏歌系文九篇

并序○唐皮日休

周禮鍾師掌金奏九樂事以鐘鼓奏九夏按鄭康成
注云夏者大也樂之大者歌有九也九夏者皆詩篇
銘頌之類也此歌之大者載在乎樂章樂崩亦從而
亡是以頌不能具也嗚呼吾觀之魯頌其古也亦以
久矣九夏亡者吾能頌乎夫大樂旣去至音不嗣頌
于古不足以補亡頌于今不足以入用庸何頌乎頌
之亡者俾千古之下鄭衛之內窈窕冥冥不獨有大

卷之音者乎

大卷黃帝樂

王夏四章章四句

王出入之所奏也

燾燾皎日歛麗于天厥明御舒如王出焉燾燾皎日
歛入于地厥晦惟貞如王入焉出有龍旂入有珩珮
勿驅勿馳惟慎惟戒出有嘉謀入有內則絜彼臣庶
欽王之式

肆夏二章章四句

尸出入之所奏也

愔愔清廟儀儀袞服我尸出矣迎神之穀杳杳陰竹
坎坎路鼓我尸入矣得神之祐

昭夏二章章四句

牲出入之所奏也

有鬱其鬯有儼其彝九變未作全乘來之既醕既酢

爰饋

音胤小鼓

爰舞象物既降全乘之去

納夏四章章四句

四方賓客來之所奏也

麟之儀儀不繫不維樂德而至如賓之娛鳳之愉愉不簫不敔樂德而至如賓之娛自筐及管我有牢醕自筐及管我有貨幣我牢不愆我貨不匱碩碩其才有樂而止

章夏四章章四句

臣有功之所奏也

王有虎臣錫之鈇鉞征彼不悛一撲而滅王有虎臣錫之珪瓚征彼不享一烘而泮王有掌封追音爾疆

詩經類考

不逸詩卷上

九

理王有掌客饋爾饗餼何以樂之金石九奏何以錫
之龍旂九旒

去聲

齊夏一章章四句

夫人祭之所奏也

璫璫衡筭聲聲禴翟自內而祭爲君之則

族夏二章章四句

族人酌之所奏也

洪源誰孕疏爲江河大塊孰埏播爲山阿厥流浩漾
厥勢嵯峨今君之酌懃我實多

祓夏三章章三句

賓既出之所奏也

禮酒旣酌嘉賓旣厚牘爲之奏禮酒旣竭嘉賓旣悅
應爲之節禮酒旣罄嘉賓旣醒雅爲之行

牘應雅三樂器也

醉而去奏被夏以此三
器築地爲之行事也

驚夏二章章四句

公出入之所奏也

桓桓其圭袞袞其衣出作二伯天子是毗桓桓其圭
袞袞其服入作三孤國人是福

附補亡詩六首 東廣微名哲

南陔孝子相戒以義也

循彼南陔言采其蘭眷戀庭闈心不遑安彼居之子
罔或遊盤馨爾夕膳潔爾晨觴循彼南陔厥草油油
彼居之子色思其柔眷戀庭闈心不遑留馨爾夕膳
潔爾晨羞有獮有獮在河之浹浹波赴汨噬魴捕鯉

嗷嗷林鳥受哺于子養隆敬薄惟禽之似最增爾虔以介丕祉

白華孝子之潔白也

白華朱萼被於幽薄粲粲門子如磨如錯終晨三省匪情其恪白華絳趺在陵之陬蒨蒨士子涅而不渝竭誠盡敬疊疊忘飭白華玄足在丘之曲堂堂處子無營無欲鮮侔晨葩莫之黜辱

華黍時和歲豐宜黍稷也

黼黼重雲習習和風黍華陵巔麥秀丘中靡田不播九穀斯豐奕奕玄霄濛濛甘露黍稷稠華禾挺其秀

靡田不殖九穀斯茂無高不播無下不植芒芒其稼
參參其穡穡我王委充我民食玉燭陽明顯猷翼翼
由庚萬物得由其道也

蕩蕩夷庚物則由之蠢蠢庶類王亦柔之道之旣由
化之旣柔木以秋零草以春抽獸在于草魚躍順流
四時遞謝八風代扇纖阿案晷星變其纏五緯不愆
六氣無易悋悋我王紹文之跡

崇丘萬物得極其高大也

瞻彼崇丘其林藹藹植物斯高動類斯大周風旣協
王猷允泰漫漫方輿迴迴洪覆何類不繁何生不茂

言系卷之十一
物極其性人永其壽恢恢大圓茫茫九壤資生仰化
于何不養人無道天物極則長

由儀萬物之生各得其儀也

肅肅君子由儀率性明明后辟仁以爲政魚遊清沼
鳥萃平林濯鱗鼓翼振振其音賓寫爾誠主竭其心
時之和矣何思何修文化內輯武功外悠

風雅逸篇序

楊脩

風雅逸篇錄中古先秦歌詩也楚鳳魯麟風之逸也堯衢舜薰雅之逸也載在方冊矣曷以名之逸外三百篇皆逸也粵稽魯論兩引逸詩侈止韻約僅五言後素昭之何遠興仁聖咨賢焉賢起聖焉于是乎取之以此其存槩彼其餘豈必無主文譎諫之旨民彝物理之訓哉惜夫世遠籍湮不能舉其全也然其餘句散見諸書若二戴禮若春秋內外傳若汲冢沉文若諸子璅語網羅放失綴合釐殘尚多有之吐珠于澤誰能不含聖喆所遺而後人拾以爲已寶茲類之

言集卷之三
謂乎孔子曰詩三百又曰誦詩三百墨子曰誦詩三百絃詩三百歌詩三百舞詩三百司馬遷曰古詩三千餘篇孔子刪之爲三百篇由前言之則太師所職數止此由後言之則今所存十一千百耳自逸詩外若因事造歌異裁別體若狸首驚誦蠶蜩龍蛇後代詞人刻意莫追其宛轉附物怡恨切情蓋不啻驚心動魄一字千金而已若是者雖多所軼沒而謹其遺者粹之亦奚啻足爲更僕之誦哉故錄首皇帝彈歌至伯夷薇歌爲第一卷錄琴操歌謠詞曲至三十一篇爲第二卷錄石鼓詩十章爲第三卷錄逸詩篇名

斷章存者十篇有句亡篇名者四十四條爲第四卷
錄經傳所載孔子歌辭及諸事涉孔子者廿二篇爲
第五卷錄魯衛齊晉鄭宋吳趙成徐秦楚君臣民庶
婦女胥靡俳優雜歌謳操曲誦祝相曲爲第六卷第
七卷錄古彥古語古言鄙諺鄙語野語俗語故語民
語不恭之語百十五條爲第八卷錄荀卿成相雜辭
三章侓詩一章附蘇秦上秦王詩爲第九卷錄葛天
氏八閔訖于師延滌角有篇目逸其辭存其名義爲
風雅逸篇十卷終焉錄歲有過而問者謂之曰于知
富翁好古者乎竿鼎匱斷珍厯穿穴圖籍續障舊說

鍊裂磬已懷資受市魁嗤予所爲嗜古癖者將無類
茲吹呖之吟則穿穴也糟粕之拾則鱗裂也心力之
玩則罄而資依託之售則受若嗤請刊落之其尚有
盈辭予投筆而起負序以謝曰然業已成予不忍廢
也子之言予不敢忘則書之以終策

詩經類考卷之三

明武塘沈萬鈞仲容采輯

音韻考

華谷嚴氏粲詩緝四聲切法清濁音圖

全清次清全濁不清不濁爲清濁四音其平聲爲全清者其上去入皆爲全濁次清等亦然

全清 東弓包居通鳩金顯賓遙知

次清 通穹胞肱鋪丘飲天篇續癡

全濁 同窮庖渠醺求琴田駢頻持

不清不濁 農願茅魚換牛吟年眠玳尼

全清

次清

全濁

不清不濁

平東

通

同

農

上董

桶

動讀如去聲

纒

去凍

痛

洞

驢

入督

禿

獨

○有聲無字

四聲惟上聲全濁者讀如去聲謂之重道如同動洞獨洞是重道蓋四聲皆全濁也動字雖是上聲以其爲上聲濁音只讀如洞字

動奉棒是兕婢被否市恃士仕砒俟浹似已祀耜汜姒巨拒虛距炬叙緒嶼鯁芋莢佇筇杆紆紆紆輔父腐

柱簿部杜戶怙枯岵陬陞蟹亥待逮殆怠倍在牝混
但緩踐伐善趙肇兆旄紹皓昊顥鎬浩皞抱道稻阜
造坐象丈蕩杏荇靜靖迴洞舅婦阜厚後甚儉焚簞
檻范範犯軋

以上之類並是上聲全濁讀如去聲

溫公指掌圖又有蹤樅從嵩松五音內嵩爲全清松
爲半清半濁今圖止爲辨上聲全濁故但取四音言
之

字音以喉齒牙舌唇爲宮商角徵羽其入樂也則以
清濁高下而諧不因乎字故樂之五聲與字音不同

如鹿鳴之詩首呦字爲黃鍾清宮次呦字變爲南呂羽聲沈括曰古之善歌者使聲中無字字中有聲凡曲止是一聲清濁高下如縈纒兩字則有喉齒牙舌等音當使字字舉皆輕圓融入聲中令轉換處無磊塊此謂聲中無字古人謂之累累如貫珠今謂之善過度是也如宮聲字而曲合用商聲則能轉宮爲商歌之此字中有聲也朱子儀禮經傳詩樂篇正是沈氏之意今以呦呦二字爲例其餘當觀全譜由此言之聲相應故生變兼爲樂之五聲亦可繫見矣

通解

關雎以無射清商起調首關字後兩參字是也以無

射清商畢曲首速字次側字末之字是也此歌詩法也
樂記所謂變成方謂之音是已

音祖于日聲宗于辰 樂記註雜比曰音單出曰聲
動聲曰吟長言曰咏

三十六母

見經堅全清 溪輕牽次清 羣勤乾全濁 疑銀
研不清不濁 皆牙音角 端丁顛全清 透汀天
次清 定庭田全濁 泥寧年不清不濁 皆舌頭
音徵 知珍璫全清 徹辰禪次清 澄陳纏全濁
娘紐聯不清不濁 皆舌上音徵 影因烟全清

| | | | | | | | | | |
|------|--------------|---------|-------|-------|---------|-------|---------|-------|---------|
| 爲舌齒音 | 音輕羽 | 蕃次清 | 綿不清不濁 | 幫賓邊全清 | 審聲羶全清 | 音商 | 全濁 | 皆喉音宮 | 曉欣軒次清 |
| | 來鄰連 | 奉墳煩全濁 | 皆唇音重羽 | 滂續偏次清 | 禪辰常半清半濁 | 照諄專全清 | 心新先全清 | 精津煎全清 | 匣刑賢全濁 |
| | 日人然皆不清不濁半商半徵 | 微文櫛不清不濁 | 非分番全清 | 並俌便全濁 | 皆正齒音商 | 穿興掀次清 | 斜錫涎半清半濁 | 清親千次清 | 喻寅延不清不濁 |
| | | 皆唇 | 敷芬 | 明民 | | 牀榛潺全濁 | 皆齒頭 | 從秦前 | |

司馬溫公曰母取其聲音之正立以爲本本立則聲音由此而生故曰母以三十六母演三百八十四聲取子母相調之義極五音六律之變分四聲八轉之異逋用則名音和傍求則名類隔同歸一母則名雙聲同出一類則名疊韻同韻而分兩切者謂之憑切同音而分兩韻者謂之憑韻韻無字則點窠以足之謂之寄聲韻闕則引鄰以寓之謂之寄韻

宋學士濂洪武正韻序曰人之生也則有聲聲出而七音具焉所謂七音者牙舌唇齒喉及舌齒各字是也知者察之分其清濁之倫定爲角徵宮商羽以至

于半商半徵而天下之音盡是矣然則音者其韻書之權輿乎夫單出爲聲成文爲音音則自然協和不假勉強而後成虞廷之賡歌康衢之民謠姑未暇論至如國風雅頌四詩以位言之則上自王公下逮小夫賤隸莫不有作以人言之其所居有南北東西之殊故所發有剽疾重遲之異四方之音萬有不同孔子刪詩皆堪被之絃歌者取其音之協也音之協其自然之謂乎不特此也楚漢以來離騷之詞郊祀安世之歌以及于魏晉諸作曷嘗拘于一律亦不過協比其音而已自梁之沈約拘于四聲八病始分平上


去入號曰類譜大抵多吳音及唐以詩賦設科益嚴聲律之禁因禮部之掌貢舉易名曰禮部韻略遂至毫髮弗敢違背雖中經二三大儒且謂承襲之久不欲變更縱有患其不通者以不出于朝廷學者亦未能盡信惟武夷吳棫患之尤深乃稽易詩書而下達于近世凡五十家以爲補韻新安朱熹據其說以協三百篇之音識者猶或信之而韻之行世者猶自若也嗚呼音韻之備莫踰于四詩詩乃孔子所刪舍孔子弗之從而區區沈約之是信不幾于大惑與司馬光有云備萬物之體用者莫過于字包衆字之形聲

者莫過于韻所謂三才之道性命道德之奧禮樂刑
政之原皆有係于此誠不可不慎也古者之音惟取
諧協故無不相通江左制韻之初但知縱有四聲不
知衡有七音故經緯不交而失立韻之原徃徃拘礙
不相爲用宋之有司雖嘗通併僅稍異于類譜君子
患之今聖人在上車同軌而書同文凡禮樂文物咸
遵徃聖赫然上繼唐虞之治至于韻書亦入宸慮下
詔詞臣隨音刊正以洗千古之陋習猗與盛哉雖然
旋宮以七音爲均均言韻也有能推十二律以合八
十四調旋轉相交而大樂之和亦在是矣○唐寅曰

邵子謂物理無窮音聲亦無窮惟無窮乃可以配無窮故以音聲起數御天下古今物理之變聲則起于甲止于庚多良千刀婁宮心之類是也音則起于子止于戌占黑安夫卜東乃走思之類是也與沙門神珙之法稍異神珙則以內外八攝揔其聲三十六母揔其音法雖不同其于聲音則括盡而無遺矣然有字有聲者雖多而有聲無字者不少必皆以翻切得之翻者翻出其音切者切出其聲如徒公徒丁顛東丁顛謂之翻徒東謂之切也其他無字之音聲如水聲風聲皆可翻切○李滄溟三韻類押序曰辟之車

韻者歌詩之輪也失之一語遂玷成篇有所不行職此其故

五音分闢字圖



分五音訣

總括五音歌

訂五臟錯銖例

見於卦疑是牙音 喉連定虎舌頭音
知微陰疑舌上音 腎連並印重唇音
非微本微疑唇音 精清從心邪齒疑音
無非本微疑舌音 喉連影喻是喉音
未引舌舌半齒音

兄弟牙肝角木東 舌心火火喻南風
北方腎水羽落 西向明金肺中
喉於土宮脾戊土 西南著音日來同

四斤四兩肝 心重十二兩舌
港應一斤一兩 三斤三兩肺中
二斤十四兩脾 大斤半心銀半連
日脚一斤九兩半 八斤脾肺腎俱全

字母詩括序

陳弘世太古有音無字中古以字通其音輒近又沿字而失其音承譌襲舛遂一字而數呼之類不識字母耳李如真先生乃檢三十六字母中芟夷同韻得二十一母各撫其所屬者而編錯成詩詩每二十字由二十字而千百之即邈乃矣

李如真名嘉紹肝貽人

見一

有清無濁詩古今貴經教國家謹干戈公孤敬辭寒威格舉廣歌

溪群二

一濁如溪清而其濁且清而求盡餘類推詩坎城

疑三

有濁無清詩巖崖愕鬼我傲睨危疑我言

後讀

○已上端四有清無濁詩獨斷端得的等待

批屬

端四

多類例當定通得洞達宜登

道透定五

清一濁如偷清而頭濁江清而廷濁

通恬退尼六

有濁無清此母娘同詩泥淖擲寧而

每○已上一知七

有清無濁照母同詩正直使折

排屬舌頭音

裏真知主斟酌展轉周張拙鄭

重忠徹澄八

一清一濁穿牀母同詩觸處成嘆

恰○超處之

上聲以上同娘母為一邦九有清

排屬正齒音娘與尼同不係齒音字

一清一濁詩

詩邦本辦精報幣帛不必寶

湧平十

拍噴潑醅烹炮普

明十一

評品偏板平勃陪

非敷奉十二

暮眠眠勉肩問落

非敷奉十二

不無其說詩覆釜放芳菲蕃敷紛

微十三

義伏分付風殘翻凡蜂赴芬醺

精十四

志務盡盡○已上一排屬半齒半唇音

無為詩禪寂綏越起道際即音清十五詩清推草

按宗祖槐進爵尊俎早精絕心邪十六清一濁詩風

慘情越墻茨簇鞞疑清心邪十六清一濁詩風

悉惡屑信宿三四句惺松似素審禪十七清一濁詩山

雪已上排屬齒舌半音尚屬參商曉匣十八清一濁詩院

色翰深樹水聲激砂石時尚屬參商曉匣十八清一濁詩院

諸書生賞識○已上排屬齒舌半音尚屬參商曉匣十八清一濁詩院

一濁詩洪荒行梓患倏忽視輝影喻十九清一濁詩院

煌好會還昏曉回徑戲何縉影喻十九清一濁詩院

宇愛雍容烟雲鬱因依燕鶯與游衍來二十清一濁詩院

香靄一透迤○已上一排屬喉音來二十清一濁詩院

獨一排究竟當從端透排後屬舌頭音詩涼露日

按是編論清濁即詞韻之陰陽也惟平聲有陰陽仄

前入于上去入三聲俱分清濁此不可曉

聲無陰陽凡字聲高揚者陰平抑者陽陽濁而陰清也

五音清濁以十二律分之喉音輕清者爲黃鍾唇音重濁者爲太呂唇之半清濁者爲應鍾嚶之輕清者爲無射嚶之半清濁者爲南呂嚶之重濁者爲夷則舌之輕清者爲太簇半清濁者爲夾鍾重濁者爲姑洗齒音之重濁者爲蕤賓半清濁者爲仲呂輕清者爲林鍾故黃鍾清宮也應鍾清羽也大呂濁羽也夾鍾正角半清半濁也太簇清角也姑洗濁角也蕤賓正徵至濁也林鍾清徵也仲呂濁徵也南呂正商半

清半濁也無射清商也夷則濁商也自漢以來諸儒皆以宮爲至濁羽爲至清蓋以黃鍾九寸悞之也則又有以宮爲至清羽爲至濁而以蕤賓九寸爲屬正羽是以徵音爲羽音也謬哉

月令廣義

吳幼清曰三十六字母俗本傳訛而莫或正也群當易以芊非當易以威知徹床孃四字宜廢圭缺群危四字宜增樂安陳晉翁以指掌圖爲之節要卷首有切韻須知於照穿牀孃下注曰已見某字母下於經堅輕牽擎虔外出局涓傾圈瓊拳則宜廢宜增蓋已瞭然矣

楊慎古音叢目序曰吳才老嘗著詩補音楚辭釋音
韻補三書皆古音也余嘗合而觀之有三品焉有當
從而無疑者有當疑而闕之者有必去而無疑者如
舍之音署下之音虎馬之音母有之音已福之音偈
見于易象不一二而足服之爲房六切見于詩者凡
十有六皆當爲蒲北切而無與房六叶者友之爲云
九切見于詩者凡十有一皆當作羽軌切而無與云
九叶者此類當從而無疑者也朝一也旣叶爲周又
叶爲署爲除夜一也旣叶爲御又叶爲灼爲液此類
當疑而闕者也至若駒虞一詩旣以虞叶爲牙而合

狔爲韻下章又以牙叶爲五紅而合蓬韻不知古詩
末句同者多不叶如文王烝哉之例也行露一詩旣
強以牙叶爲五紅又強以家叶爲各空切以合其韻
不但已也又以家叶作谷以合獄屋之韻是辭不達
言不順苟以趣韻而已豈古人自然之文哉且詩一
人之作一方之言而二章之問詎分二音是非古音
也百舌之音也其爲臆說決矣此類當去而無可疑
者也暇日取三書及余所作轉注略合爲一編去其
臆說而存其當从者闕疑者凡二千餘字止大書具
目分注著其出解詁以文多不載詳在本書矣

詩經類考卷之四

明武塘沈萬鈞仲容采輯

天文考

天

白虎通曰天者何也天之爲言鎮也居高理下爲人鎮也一云神也珍也施生爲本運轉精神功列効陳其道可珍重也一曰天顛也至高無上也○河圖括地象二儀氣分伏者爲天偃者爲地○物理論云天者族也均也又云水土之氣升爲天○續博物志云漢博士劉熙曰豫司兗冀以舌腹言之天顯也在上

高顯也青徐以舌頭言之天坦也坦然高而遠也○
黃氏曰天體圓地體方圓者動方者靜天包地地依
天天體周圓皆三百六十五度四分度之一徑一百
二十一度四分度之三凡一度爲百分四分度之一
卽百分中二十五分也四分度之三卽百分中七十
五分也天左旋東出地上西入地下動而不息一晝
一夜行三百六十六度四分度之一緣日東行一度
故天左旋三百六十六度然後日復出于東方也地
體徑二十四度其厚半之勢傾東南其西北之高不
過一度邵雍謂水火土石合而爲地今所謂徑二十

圓度者乃土石之體耳土石之外水接乎天皆爲地
體地之徑亦得一百二十一度四分度之三也兩極
南北上下樞是也北高而南下自地上觀之北極出
地上三十五度有餘南極入地下亦三十五度有餘
兩極之中皆去九十一度三分度之一謂之赤道橫
絡天腹以紀二十八宿相距之度大抵兩極正居南
北之中是爲天心中氣存焉其動有常不疾不徐晝
夜循環幹旋天運自東而西分爲四時寒暑所以平
陰陽所以和此後天之太極也先天之太極造天地
于無形後天之太極運天地於有形三才妙用盡在

是矣○陸象山曰南北二極中等之處謂之赤道去南北極各九十一度春分日行赤道從此漸北夏至行赤道之北二十四度去北極六十七度去南極一百一十一度從夏至以後日漸南至秋分還行赤道與春分同冬至行赤道之南去南極六十七度去北極一百一十五度其日之行處謂之黃道又有月行之道與日相近交路而過半在日道之裏半在日道之表其當交則兩道相合去極遠處兩道相去六度此日月行道大略也○黃道者日所行也冬至在斗北出赤道二十四度夏至在井出赤道北二十四度

秋分交于角春分交于奎月有九道其出入黃道不
過六度當交則合故曰交蝕交蝕者月道于黃道交
也九道漢天文志曰赤道二出黃道之東赤道二出
黃道之南白道二出黃道之西黑道二出黃道之北
并黃道爲九道也○朱子南北二極所以定子午之
位曆家因二極而立赤道所以定卯酉之位赤道爲
天之腰圖正當天之洞處北極瓜之蒂也南極瓜之
攢花處也指南針所以通二極之氣也○晉書古言
天者三家一曰蓋天二曰宣夜三曰渾天○蔡邕云
周髀者卽蓋天之說言天似蓋笠地法覆槃天地各

中高外下北極之外爲天地之中其地最高而滂沱
四隤三光隱映以爲晝夜天中高于外衡冬至日之
所在六萬里北極下地高于外衡下地亦六萬里外
衡高于北極下地二萬里天地隆高相從日去地恒
八萬里日麗天而平轉分冬夏之間日所行道爲七
衡六間○黃帝書曰天在地外水在天外水浮天而
載地者也○春秋考異郵云周天一百七萬一千里
一度爲二千九百三十二里七十一步二尺七寸四
分四百八十七分分之三百六十二○陸續云東西
南北徑三十五萬七十里此言周三徑一也考之徑

一不啻周三率周百四十二而徑四十五則天徑三十二萬九千四百一里一百二十二步二尺二寸一分七十一分分之十○續博物志云周圓三百六十五度四分度之一一度二千九百三十二里千四百六十一分里之三百四十八周天百七萬一千里者是天圓周之里數也以圓三徑一言之則直徑三十五萬七千里此爲二十八宿周廻直徑之數也然二十八宿之外上下東西各有萬五千里是爲四遊之極謂之四表四表之內并星宿內總有三十八萬七千里然則天之中央上下平半之處則一十九萬三

千五百里地在其中是地去天之數也○廣雅云九
天之際曰九垓九天之外次曰九陔居我反陔陔也言其階次有九
凡天去地一億一萬六千七百八十一里半度地之
厚與天高等南北相去二億三萬三千五百七十七里二
十五步東西短減四步○河圖括地象曰東西二億
三萬三千里南北二億三萬一千五百里夏禹所治
四海內地東西二萬三千里南北二萬六千里山海
經云四極出水者八千里受水者八千里或地厚七
萬二千二百里下至泉壤第一壘上至天漢九萬七
千二百里下至九幽洞淵上至星天一千二百一十

八萬里徐整三五曆紀曰天地混沌如鷄子盤古生
其中一萬八千歲天地開闢盤古在中一日九變神
于天聖于地天日高一丈地日深一丈盤古日長一
丈如此一萬八千歲天極高地極深盤古極長然後
乃有三皇此天地人之始○草木子天如勁風旋轉
局大塊于中吾恐日月星辰之上愈高愈清愈勁愈
光明而無窮矣人見天裂處霞光閃爍于此足以知
之矣○孝經援神契云天有七衡六間夫天有七衡
而云間者從內衡以至中衡中衡以至外衡相去合
十一萬九千里○本草經云太乙子曰天有九門中

道最長日月由此行之名曰國也○黃裳天文圖曰
經星三垣二十八舍中外官星是也二百八十三官
一千五百六十五星其星不動三垣紫薇太微天市
也二十八宿東西南北皆七宿中外官也如三台諸
侯九卿之類象官如鷄狗狼魚龜蟹之類象物如離
官闕道華蓋五車之類象事經星守常位如百官萬
民守職業而聽命于七政緯星五行之精歲熒惑填
太白辰并日月爲七政天行速七政行遲故與天俱
東出西入五星輔日月旋五氣如六官分職而治天
漢四瀆之精起犒火至箕尾十二辰斗綱所指謂之

月建十二次日月所會元枵至陬訾十二分野辰次
所臨天爲十二辰十二次地爲十二國十二州○洛
書甄曜度曰周天三百六十五度四分度之一天一
度爲九百三十二里則天地相去十七萬八千五百
里○春秋元命苞曰天不足西北陽極于九故周天
九九八十一萬里○呂氏春秋曰天道圓日夜一周
圓二十八宿軫與角屬圓道也極星與天俱遠而天
樞不移○鹽鐵論曰常星猶公卿也衆星猶萬民也
列星正則衆星齊○論衡天之去地六萬餘里天行
一周日行一度二千里日晝行千里夜行千里月行

十三度十度一萬里三度六千里月一日一夜行二
萬六千里天行三百六十五度積凡七十三萬里○
左傳天以七紀注二十八宿面七○鄉飲酒義注三
光三大辰也天之政教出於大辰焉淮南子注三光
日月星也公羊傳大火心伐參北辰北爲大辰○書
正義天有日月照臨晝夜猶王官之伯率領諸侯也
北斗環繞北極猶卿士之周衛天子也五星行于列
宿猶州牧之省察諸侯也二十八宿布于四方猶諸
侯之爲天子守土也○春秋正義云三統歷姬皆初
日在危十六度立春節在營室十四度雨水中終于

奎四度也降婁初日在奎五度驚蟄節在婁四度春
分中終于胃六度也○朱子曰在地之位一定不易
在天之象運轉不停惟天之攝火加于地之午位乃
與地合而得天運之正曆家以爲周天赤道一百七
萬四千里日一晝夜而一周春秋二分晝夜各行其
半而夏長冬短一進一退又各以其什之一焉○凡
星皆出辰沒戌故五星爲五辰十二舍亦爲十二辰
歲星司肅典致時雨熒惑司哲典致時煥太白司義
典致時暘辰星司謀典致時寒填星司聖典致時風
經星有常不變緯星有伏見進退與日相終始二十

八宿爲經五星爲緯○續博物志云二十八宿爲其
有二十八星當度故立以爲宿推測者多變如畢有
十七度半而觜半度星旣不當度自不當用爲宿星
度皆以赤道爲法黃道則有斜有直與赤道不等○
楊子曰史以天占人聖人以人占天○楊賜曰王者
心有所惟意有所想雖未形顏色而五星以之推移
陰陽爲其變度○杜牧注孫子云歲爲善星不福無
道火爲罰星不罰有德○宋有善言星期必退齊無
穢德彗或可禳○宋景公出人君之言三災或爲之
退舍○水土之氣升爲常宿萬物之精凝爲列緯皆

本于地而發于天者也○爾雅月陽月在甲曰畢在
乙曰橘丙曰修丁曰圉戊曰厲己曰則庚曰室辛曰
寒壬曰終癸曰極月名正陬二如三病四余五舉六
旦七相八壯九玄十陽十一舉十二涂○大戴禮曰
陰陽之氣各靜其所則靜矣偏則風俱則雷交則電
亂則霧和則雨陽氣勝則散爲雨露陰氣勝則凝爲
霜雪陽之專氣爲電陰之專氣爲霰霰電者一氣之
化也○天方國風景融和四時皆春田沃稻饒有回
回曆前後與中國差三日○董仲舒曰陰陽之氣上
薄爲雨下薄爲霧風其噫也雨其氣也雷其相搏之

聲也電其相擊之光也雨垂空而墜風多則合速故
雨大而踈風少則合遲故雨細而密太平之世風不
鳴條雨不破塊雷不驚人電不眩目雪不封條西京雜記
○太玄注萬物豐于纁夏耗於玄冬○爾雅曰春爲
蒼天夏爲昊天秋爲旻天冬爲上天於春言其色於
夏言其氣於秋言其情於冬言其位○五經通義曰
天神之大者曰昊天上帝卽耀魄寶也亦曰天皇大
帝亦曰太乙其佐曰五帝東方青帝靈威仰南方赤
帝赤熛怒西方白帝白招拒北方黑帝叶光紀中央
黃帝含樞紐一說蒼帝名靈符赤帝名文祖白帝名

顯紀黑帝名玄矩黃帝名神斗河圖曰其精東爲蒼
龍南爲朱鳥中央爲麟西爲白虎北爲玄武○左傳
云天有六氣降生五味注曰六氣謂陰陽風雨晦明
○河圖括地象云易有太極是生兩儀兩儀未分其
氣混沌清濁旣分伏者爲天偃者爲地又云西北爲
天門東南爲地戶天門無上地戶無下注天不足西
北是天門地不滿東南是地戶又云天左動起于牽
牛地右動起于畢○史記天官書云太微三光之庭
其內五星五帝座○禮正義云天皇北辰耀魄寶又
云昊天上帝又名太乙帝君以其尊大故有數名也

昊天上帝得連上帝而言至于單名皇天單名上帝亦得月令季夏供皇天上帝鄭分之皇天耀鬼實上帝大微五帝亦是上帝單號之事若然大帝得單稱與五帝同五帝不得兼稱皇天昊天也○禮書云周禮有言祀天有言祀昊天上帝有言上帝有言五帝者言天則百神皆預言昊天上帝則統乎天者言五帝則無預乎昊天上帝言上帝則五帝兼存焉五帝與昊天同稱帝不與昊天同稱天猶諸侯與天子同稱君不與天子同稱王孝經曰郊祀后稷以配天其爲昊天上帝及五帝可知也易曰先王以作樂崇德

殷薦之上帝以配祖考以配祖者天也以配考者五帝也合天與帝而謂之上帝則易孝經之于周禮其義一矣詩書之文未有稱五帝而書亦未有稱昊天上帝者其稱天及上帝類皆泛言之而已

露

大戴禮曰露陰陽之氣也夫陰氣勝凝爲霜雪陽氣勝則散爲雨露○月令孟秋白露降○春秋緯云武露布文露沉○說文云露潤澤也從雨路聲○釋名云露慮也覆慮物也○春秋元命苞曰霜以殺木露以潤草○曹植云氣之清者莫如露○徐整長曆云

北斗當崑崙峯氣運春夏爲露○五經通義云和氣津液凝爲霜露露從地出○蔡邕月令章句露者陰液也釋爲露結爲霜○范子云立夏九十一日立秋涼風行白露降萬物始實○列星圖曰天乳在氐北主降甘露○瑞應圖云甘露者美露也神靈之精仁瑞之澤其凝如脂其甘如飴一名膏露一名天酒○鵬冠子曰聖人之德上及太清下及太寧中及萬靈則膏露下○呂氏春秋伊尹說湯曰水之美者三危之露和之美者揭雩之雲其色紫○述征記云八月初一日作五明囊盛取百草頭露洗目目明○瑞應圖

云露色濃爲甘露甘露者神露之精也王者施德恩則神露降其草木○晉中興書云甘露者仁澤也甘露凝如脂其美如飴甘露一名天酒○白虎通曰甘露美露也降則無不盛○洞冥記曰勒畢國人長三寸有翼善言語戲笑因名語國飲甘露爲漿甘露者日初出有露汁如朱也○拾遺記曰崑崙有甘露聖之色如丹著木石則皎然如霜雪寶器承之如飴人君聖德則下

雷 霆 電

說文雷電餘聲鈴鈴所以挺出萬物也○什名云雷

者如轉物有所礙雷聲也○易曰動萬物者莫疾乎雷又曰雷風相薄曰雷出地奮豫雷者所以開發萌芽辟除灾害萬物須雷而解故經曰雷以動之王者從春令則雷應節否則發動于雷當出反潛易傳曰當雷不雷陽德弱也○埤雅曰先儒或以霆爲疾雷蓋爾雅疾雷謂之霆電先儒豈讀此誤耶亦或謂之電者霆亦非電也蓋音霆則爲雷音艇則爲電淮南子曰陰陽相薄感而爲雷激而爲霆又曰疾雷不及掩耳疾霆不暇掩目皆宜音電○雷公爲豐隆電爲列缺雷部之鬼名曰謝仙○雷於天地爲長子以其

首長萬物與其出入也雷出地百八十三日而後入
入則萬物入入地百八十三日而復出出則萬物亦
出此其常經也書洪範○說苑云雷陰陽激氣○天冬
雷地必震教令撓則冬雷毘饑古易占○雷從回電從
申陰陽以回薄而成雷以申洩而成電○師曠云春
雷初起其音格格霹靂者所謂雄雷旱氣也其鳴依
依音不大霹靂者謂之雌雷水氣也○大戴禮夏小
正曰正月雉震鳴鵠鼓其翼也正月必雷雷不正聞
唯雉先聞之一古文雷字下從四田二回自子至卯
積四陽而復雷乃發聲故從四田也陰陽回薄故從

二回也月令先雷三日奮木鐸以令兆民戒其容止
畏天威也○論語識曰雷震百里聲相附近宋均注
雷動百里故因以制國雷聲謂諸侯之政教所至相
附也○程子曰電者陰陽相軋雷者陰陽相擊陰氣
凝聚陽在內而不得出則奮擊而爲雷電世人所謂
龍車石斧鬼鼓火鞭乃異端怪誕之言也雷斧猶星
隕而爲石也在天爲氣隕地則成形矣如金蛇飛騰
狀者適映雲際也若在同雲之中無是矣○周書云
春分後五日雷乃發聲秋分後五日乃收聲○李順
雷賦云隆鬱蒸而成雷兮鼓匏稜之逸響○物理論

積風成雷○埤雅曰易曰風雷益又曰雷風恒風積而成雷故曰益也若夫雷以動之風以散之則恒而已矣○河圖帝通紀云雷天地之鼓○洪範五行傳云於易雷以二月出其卦曰豫言萬物隨雷出地皆逸豫也以八月入其卦曰歸妹言雷復歸入地則孕育根荑保藏蟄虫避盛陰之害出地則養長華實發揚隱伏宜盛陽之德人能除害出能興利人君之象也○穀梁傳云陰陽相薄感而爲雷激而爲電易云天地解而雷雨作雷雨作而百穀草木皆甲拆又云震爲雷震驚百里驚遠而懼邇也○左傳曰藏兵以

時則雷出不震棄兵不用則雷不發而震○雷公形
猶首手足各兩指執一赤虵嚙之貞元四年大雷雨
墮于宣州民見之俄而雲暗失去時圖而傳之國史
補雷州春夏多雷無日無之秋日則伏地中其狀如
虵土人取食之○論衡云圖畫之工圖雷之狀晶晶
如連鼓形又圖一人若力士謂之雷公使之左手引
連鼓右手椎之世人莫不謂然原屬虛妄之象○易
元苞云噬嗑列缺搏礧礧灼傳曰列缺搏雷之動也
礧礧灼電之耀也○電陽光也四陽盛長氣洩而光
生也曆解曰凡聲陽也光亦陽也易曰雷電合而章

又曰離爲電又曰雷電噬嗑○公羊傳曰電者雷光也○什名云電殄也乍見則殄滅也○徐氏曰雷陽電陰非也○莊子云陰氣伏于黃泉陽氣上通于天陰陽分爭故爲電○月令曰仲春始電○時訓解云春分又五日雷乃發聲又五日始電不始電若無威震○淮南子電激氣也以爲靶策○說文云電陰陽激耀也○物理論風清熱之氣散而爲電○大戴禮云陰陽之氣偏則風俱則雷交則電○西京雜記云太平之世電不眴目宜光示耀而已

奔電 走電 狂電 赤電 飛電

搜神記扶風楊道和夏月田中雷雨至桑下霹靂擊之以鉤格折其左股落地不得去色如丹目如鏡毛角長二尺狀如畜頭似獼猴世謂雷神也○記曰地載神氣神氣風霆風霆流形言萬物以風霆流形而風霆出于地之神氣也○尚書中候云秦穆公出狩至于咸陵天震大雷下有火化爲白雀啣冊書集于公車○山海經翔次之山有鳥名橐蜚服其毛羽令人不畏雷又云半石之山有草焉生而秀高大赤葉赤花名曰嘉榮服之不畏霆○神異經云東王公與玉女投壺樂而脫誤不接者天爲之笑開口流光今

電是也。○玄中記玉門之西有一國，國中有山，山上有祠廟，國人歲歲出石磻數千輪，廟中名爲霹靂磻。從春雷出，磻日減，至秋而盡。磻，石也。○雷州之西有雷公廟，彼中百姓每年配納雷鼓、雷車，人有以黃魚、彘肉同食者，立遭雷震。人皆敬而憚之。每大雷雨後，人多于野中拾得黥石，謂之雷公墨。扣之鏗然，光瑩如漆。又于霹靂處或土木中得楔如斧者，謂之霹靂楔。與小兒佩帶，辟驚邪，與孕婦磨服，爲催生藥，有驗。凡訟者投牒，必以雷墨雜常墨書之，爲利。○江西村中有人震死，旣而空中呼曰：「誤矣，可作蚯蚓搗爛覆。」

臍中宮差如其言遂蘇○琴操云楚青梁子出遊九
臯之澤臨曲池而漁疾風厲暴雨電天火四起霹靂
下臻玄霍翔其前白虎吟其後乃援琴而起作霹靂
引

星

凡星居之曰次曰舍曰留同舍曰合變爲妖星曰散
經之曰歷相擊曰鬪又離復合合復離曰鬪早出曰
贏晚出曰縮又失次上二三宿曰贏下二三宿曰縮
在下而上曰陵又突掩曰陵在上而下曰乘周匝曰
繞東西曰鈎南北曰紀曰青相陵曰食七寸以內光

芒相及曰犯居其宿曰守而守之久曰復曰還○釋
名曰星者散也言列位布散也宿宿也星各止宿其
所也○漢天文志云星者金之散氣其本曰人星衆
則吉少則凶○孟康注曰星石也金石相生人與星
氣相應也○三五曆云星者元氣之英水之精也○
說文云萬物之精上爲列星○史記云角亢氐亢州
房心豫州尾箕幽州斗江湖牛女揚州虛危青州室
壁井州奎婁胃徐州昂畢箕州觜參益州井鬼雍
州柳七星張三河翼軫荊州○禮記曰宿離不戒無
失經紀注二十八宿爲經七曜爲紀又云天乘陽番

言系卷之四
四星
日星○列子云星積氣之中有光曜者○靈憲云星者體生於地精成於天列居錯峙各有道屬在野象物在朝象官在人象事其以神著有五列焉是謂三十五名一居中央謂之北斗四布於方爲二十八宿中外之官常明者百有三十四可名者三百二十爲星二千五百微星之數蓋萬一千五百二十庶物蠢蠢咸得繫命○博雅云東方七宿七十五度南方七宿百一十二度西方七宿八十度北方七宿九十八度四分度之一歲星謂之重星或謂之應星熒惑謂之罰星或謂之執法鎮星謂之地侯太白謂之長庚

武謂之太髻辰星謂之鈎星兔星或謂之鈎星大角
謂之棟星天宮謂之參旗紫宮參伐謂之太辰太微
房謂之明堂類女謂之婺女參謂之實沉昴謂之旄
頭東井謂之鶉首張謂之鶉尾軫謂之鳥罕營室謂
之系韋。辰謂之天堂天淵謂之紐茲妃星謂之大
堂天淵謂之三淵軒轅謂之路寢與鬼謂之天廟○
徐整長曆云大星徑百里中星五十里小星三十里
北斗七星星間相去九千里皆在日月下其二陰星
不見者相去八千里○井氏星經云日一星在房之
西氏之東日者陽宗之精也爲難二足爲鳥三足雞

在日中而鳥之精爲星以司太陽之行度日生午東
故於是在焉月一星在昴之南畢之北月者陰宗之
精也爲兔四足爲蟾蜍三足兔在月中而蟾蜍之精
爲星以司太陰之行度月生酉故于是在焉日精
在氐房月精在昴畢自司其行度而氐房昴畢乃黃
道之所經不得而司之○星精也春秋說題辭曰星
陽精之榮也陽精爲日日分爲星故其字從日下生
也按字書星字止作三圈象形非從日也○劉伯溫
曰晉志十二次分野始角亢者以東方蒼龍爲之首
也唐志十二次始女虛危者以子爲之首也○凡五

星木近日則遲遠日則疾火星近日則疾遠日則遲
土平行無太遲疾金水附日而行此大槩也○凡五
星東行爲順西行爲逆趨舍而前爲盈退舍而後爲
縮光而明滅不定爲動光明出而生鋒曰芒芒長四
出曰角長而偏出曰彗同舍曰合同宿曰聚○凡天
文在圖籍昭昭可見者經星常宿中外官凡百一十
八名積數七百八十三星皆有州國官宮物類之象
其伏見早晚邪正存亡虛實闊狹及五星所行合散
犯守陵歷闕食彗孛飛流此皆陰陽之精其本在地
而上發于天者○中外之官常明者百二十有四可

名者三百二十爲星二千五百而海人之占未及焉
微星之數蓋萬一千五百二十庶物蠢蠢咸得繫命
神守精存麗職宜明及其衰也神歇精散于是有隕
星焉○月令廣義星自天橫飛而過則爲流自下復
上則爲奔自上而下則爲隕草木○爾雅云彗星爲
撓槍奔星爲約約祭星曰布布散食○春秋考異鄒
云下有謀則星入月注曰地候星也○嘗疑天有五
行星有五緯地有五岳人有五事而二十八宿何獨
無中央之宿也後觀石氏星經云中宮黃帝其精黃
龍爲軒轅首枕星張尾掛柳井體映三台司四季司

中岳司中土司黃河江漢淮濟之水司黃帝之子孫
司倮虫三百六十則固有所謂中宿矣又按張衡靈
憲蒼龍連蜷于左白虎猛據于右朱雀奮翼于前靈
龜圈脊于後軒轅黃龍于中則是軒轅一星與蒼龍
白虎朱雀玄武四獸爲五矣世之言星者惟知四獸
而不知黃龍是求之未盡也亦猶民俗惟知四時而
不知夏之後有土位素問所謂長夏月令所謂中央
五時取火季夏取槐檀之火也軒轅本天市垣之星
而在張宿之分野分爲土德寄王鶉火亦猶是也張
衡又云軒轅如龍之體主雷雨之神後宮之家焉陰

陽交合盛爲雷激爲電和爲雨怒爲風亂爲霧凝爲
霜散爲露聚爲雲立爲虹蜺離爲背荷分爲抱珥此
土四變皆軒轅主之亦猶土之無定位而金木水火
賴以成與

升庵集

三星

名物疏按參十星然寔三星下三星曰伐其外四星
爲左右肩股故毛以三星爲參心三星天王正位召
南小星詩毛以三爲心是也故鄭謂三爲心毛鄭二
家說婚姻之時不同後儒各從其所見○三星心也
三星中央色最深下頭積卒共十二三三相聚心下

是

歌天

○箋云心星在郊宮第三有尊卑夫婦父子

之象又爲二月之合宿故嫁娶者以爲候○大火謂之大辰疏大火大辰之次名也○爾雅注曰大火心也在中最明故時候主焉○晉志曰心爲大辰主天下之賞罰天下變動心星見祥星明大天下同鄭曉曰心天子象言天地之心人之主也洪範五行傳曰心三星大星天王前星太子後星庶子不欲直直則天王失勢○心言萬物始生有華心也○春秋佐助期云心爲明堂天王位也○荊州星占云心爲天王其宿三星一名天司空○箋云心在東方三月時也

五

傳云五噶

同味

○爾雅云味謂之桺桺鵠火也疏南方

七宿共爲朱鳥之形桺爲朱鳥之口故名味○文耀

鉤云味謂鳥陽七星爲頸注云陽猶首也○元命苞

云桺五星○樂叶圖徵云桺主材木○史記正義云

桺占以順明爲吉金火守之國兵大起○漢書云桺

爲鳥喙主木草○晉天文志云桺八星天之厨宰也

主尚食和滋味又主雷雨○箋云噶在東方正月

時也

參鼎

晉志鼎畢間爲天街天子出旄頭罕畢以前驅此其

義也黃道之所經也○漢書云畢昴間天街也街北
胡也街南中國也昴爲匈奴參爲趙畢爲邊兵○昴
畢之間五星所遊一名天街一名旄頭星名○參一
名伐昴一名罽二星皆西方宿也天文志云參白虎
宿三星直下有三星銳曰伐其外四星左右肩股也
則參實三星故綢繆曰三星參也以伐與參連體參
爲列宿統名若同一宿然但伐亦爲大星與參互見
皆得相統故周禮熊旂六旒以象伐昴○元命苞云
六星昴之爲言罽言物成就繫罽是也彼昴罽爲一
則參伐明亦爲一也一云畱言陽氣之稽罽也

參

天文志云參爲白虎三星直者是爲衡石下有三星
銳曰罰爲斬艾事○孟康曰在參間上小下大故曰
銳其外四星左右肩股參者言萬物可參也○晉志
曰參十星又一曰大辰一曰天市一曰鉞鉞主斬艾
天獄主殺伐又主權衡所以平理也又主邊城爲九
譯故欲其不動參白虎體中三星橫列三將也東北
左肩主左將西南右肩主右將東南左足後將軍西
南右足偏將軍爲參謀故黃帝占參應七將中央三
小星曰伐天之都尉也主胡鮮卑戎狄之俗故不欲

明七將皆明天下兵精王道缺則芒角張伐星明
與參等大臣皆謀兵起參星失色軍散敗參芒角動
邊急參移客伐主玉井四星在參左足下參左足入
玉井中兵大起秦大水若有戾參星差戾王臣二玉
井主水漿玉井東南四星曰軍井行軍之井也軍市
十三星在參東南天軍貿易之市野雞一星在軍市
中主變怪軍市西南二星曰丈人丈人東二星曰子
子東二星曰孫○步天歌云總有七星觜相侵兩肩
雙足三爲心伐有三星足裡深玉井四星右足陰屏
星兩肩并南襟軍井四星屏上吟左足下四天廂臨

言新類卷之四 陽天文卷四 三
厠下一物天屎沉○夏小正云三月參則伏又云五
月參則見見也者牧星也

昴

爾雅云大梁昴也西陸昴也疏大梁昴之次名也昴
西方之宿名也昴又謂之西陸昭四年左傳云古者
日在北陸而藏兵西陸朝覲而出之又十三年歲及
大梁蔡復楚凶是昴星之名凡三○井石星經昴西
方白虎之宿太白金星之精太白入大昴金虎相薄
主有兵亂○晉志曰昴七星天之耳也正義曰昴爲
胡星亦爲獄事明則天下獄訟平暗則刑罰濫六星

明與大星等大水兵起七星皆黃搖動者若跳躍者
胡兵大起一星不見兵憂○晉志曰昴北六星曰卷
舌主察知佞讒也曲吉直而動天下有口舌之害中
一星曰天譏主巫醫○論衡云火星與昴星出入昴
星低時火星出昴星見時火星伏○步天歌云七星
一聚實不少阿西月東各一星阿下五黃天陰名陰
下六烏芻藁營營南十六天苑形河中六星名卷舌
舌中黑點天譏星礪石舌半斜四丁

定

爾雅云營室謂之定姬觜之口營室東壁也注定正

也作宮室皆以營室之中爲正○雙云定星昏中而正於是可以營制宮室故謂之營室疏云定星昏正四方而中之時謂夏之十月○廣雅云營室謂之豕韋○安成劉氏曰亥月昏時定星當南方之午位爲營作之候此蓋成周以後之制考唐虞時定星以戌月昏中歲久而差至周時定星始以亥月昏中下逮今日定星又以子月昏中矣○定卽北方室星也室星步天歌曰兩星上有離宮出遶室三雙有六星下頭六箇雷電形壘壁陣次十二星十二兩頭大似井陣下分明羽林軍四十五卒三爲羣軍西四下多難

論仔細歷歷看區分三粒黃金爲鐵鉞一顆真珠北
落門門東八魁九箇子門西一宿天網是電旁西黑
土功吏騰蛇室上二十二○春秋佐助期云營室主
軍糧○晉書云營室爲清廟曰離宮閣道○元命苞
云營室十星埏陶精類始立紀綱包物爲室○晉志
曰十月而農工畢室昏中主營建宮室而名一曰清
廟一曰玄宮又爲軍糧之府及土功事星明國昌小
不明祀鬼神不享離宮六星天子之別宮主隱藏
休息之所蓋屋主營建工師之事土工吏其屬也東
壁二星主文章天下圖書之秘府星明王者興道術

國多君子失色小不明王者好武經士不用圖書隱
動則有土功騰蛇二十四星在營室北天蛇也主水
虫○傳南視定北視極以知南北度日出日入以知
東西

明星

蘇氏云明星啟明也○爾雅云明星謂之啟明○孫
炎曰明星太白也出東方高三舍今日明星昏出西
方高三舍今日太白郭曰太白星也晨見東方爲啟
明昏見西方爲太白○天官占云太白者金之精西
方白帝之子三公大將軍之象也徑一百里○天官

書云大白曰西方秋司兵主殺殺失者罰出太白率
一歲一周天出東方百二十日入西行百二十日且
入入以辰戌出以丑未出不經天經天天下革政日
方南金居其南日方北金居其北曰羸用兵進吉退
凶太白白比狼赤比心黃比參左肩蒼比參右肩黑
比奎大星亢爲疏廟太白廟也太白大臣也其號王
公其他名殷星大正營星觀星宮星明星大衰大澤
終星大相天浩序星月緯大司馬位○河圖云太白
散爲天杵天桴音夫伏靈大敗司奸天狗天殘率起白
彗○嚴氏云蘇氏以明星爲啟明蓋今俗所謂曉星

也毛氏謂天將曉則小星不見惟明大之星爛然雖不指爲啟明然將曉而明大者惟啟明耳

伯

夏官校人云春祭馬祖夏祭先牧秋祭馬社冬祭馬步注云馬祖天駟先牧始養馬者馬社始乘馬者馬步神爲災害馬者○爾雅云天駟房也○孫炎曰龍爲天馬故房四星謂之天駟○孝經說云房爲龍馬○國語云農祥晨正土乃脉發○韋氏曰農祥房星也○晉書曰房四星爲明堂天子布政之宮也亦四輔也下第一星上將也次次將也次次相也上星上

相也南二星君位北二星夫人位亦曰天駟爲天馬
主車駕南星曰左驂次左服次右服次右驂亦曰天
廐又主開閉爲畜藏之所由也房星明則王者明驂
星大則兵起星離民流

箕

箕步天歌云四星形狀如簸箕箕下三星如木杵箕
前一黑是糠粃○史記南至于箕箕者言萬物根基
故曰箕○晉志曰箕四星曰天鷄亦曰天津主八風
○鄭樵云凡日月宿箕東壁翼軫者風起又主口舌
主客蠻夷胡貊故蠻夷將動先表箕焉又星大明直

則五穀熟君無讒間疏暗則憂○正義曰亦後宮后
妃之府○鄭曉曰箕承帝以掃者又揚穀器尾受之
以箕章婦道也又主口舌骨肉讒之所生也故箕一
名卷舌五星聚尾箕有內亂亂始色荒也○荆川星
占云箕宿四星一名天府一名天女一名臨宮又云
箕舌一星動則大風至不出三日又云箕第二星名
風后○春秋佐助期曰尾箕爲後宮之長○詩緯云
箕爲天口主出氣○春秋緯云月離于箕風揚沙○
史記天官書云箕爲敖客曰口舌索隱曰宋均云敖
調弄也箕以簸揚調美爲象箕又受物有去去來來

密之象也

漢

漢者金之散氣其本曰水漢星多則水多少則旱漢在箕斗二星之間箕在東方水位斗在北方水位分析水木以箕星爲隔隔河須津梁以渡故爲析木之津天河從北極分爲兩頭至于南極其一經南中過其一經東井過○河圖括地象河精上爲天漢天漢四瀆之精也起于鶉火經西方之宿而過北方至于箕尾而入地下○楊泉物理論云星者元氣之英也漢水之精也氣發而升精華上浮宛轉隨流水名曰

天河一曰雲漢衆星出焉○樂叶圖天官高爲王漢
○月令漢案戶注漢起箕尾間分兩道其一道貫箕
星之邊案戶直戶也古者戶皆南是時初昏天漢直
南○詩人稱天河曰銀河銀潢銀漢皆常語也一云
絳河李賀曰銀灣江淹曰繩河緯書云王者有道則
河直如繩謠眺詩曰華漢淖虛龜蒙云繩河裡扇月
傍○淮南子云天河羣臣之聞聞猶門也○爾雅云
析木謂之津箕斗之間漢津也注云箕龍尾斗南斗
天漢之津梁○晉書云天漢起東方經箕尾之間謂
之漢津乃分爲二道其南經傳說魚天籥天弁河鼓

其北經龜貫箕下次絡南斗魁左旗至天津下而合南道乃西南行又分夾匏瓜絡人星杵造父騰蛇王良傳路閣道北端太陵天船卷舌而南行絡五車經北河之南入東井水位而東南行絡南河闕丘天狗天紀天稷在七星南而沒○唐志云雲漢自坤抵艮爲地紀北斗自乾攜巽爲天綱○博物志云舊說天河與海通

女

焦林大斗記天河之西有星煌煌焉與參俱出謂之牽牛天河之東有星微微在氐之下謂之織女世謂

雙星○春秋元命苞云牛女爲江潮○荆楚歲時記
七夕爲織女牽牛聚會之日戴德云此日織女東向
盖言星也○春秋運斗樞云牽牛神名略織女神名
収陰古雋考略牽牛一名河鼓譌爲黃姑○淮南子
有烏鵲填河成橋渡織女之說相傳至今○爾雅翼
云涉秋七日烏鵲首無故皆髡世傳爲是日河鼓與
織女會于漢東○七襄襄反也○婺女其北織女織
女天女孫也○晉志曰須女四星天少府也須賤妾
之稱主布帛裁制嫁娶離珠五星在須女北女子之
藏府也○晉書曰織女三星在天紀東端天女也主

果蓏絲帛珍寶占王者至孝神祇咸喜則三星俱明
不然則暗而微天下女工廢明則理大星怒角帛帛
踊貴不見兵起○須女言萬物交動其所陰陽氣未
相離尚相如胥也故曰胥女○廣雅曰須謂之婺女婺
女謂之實沈○女星步天歌云四星如箕主嫁娶十
二諸國在下陳先從越國向東論東西兩周次二秦
雍州南下雙鴈門代國西向一晉申韓魏各一晉北
輪楚國一星魏西屯楚城南畔獨燕軍燕西一郡是
齊鄰齊北兩邑平原君欲知鄭在越下存十六黃星
細區分五箇離珠女上星敗瓜珠上瓠瓜生兩箇各

五瓠瓜明天津九箇彈弓形兩星入牛河中橫四箇
奚仲天津上七箇仲側扶箱星○小說天河之東有
織女天帝之子也年年機杼勞役織成雲錦天衣容
貌不暇整帝憐其獨處許嫁河西牽牛郎嫁後遂廢
織衽天帝怒責令歸河東但使一年一度相會○感
遇集郭子儀從軍沙漠間以後回銀州七夕夜見空
中赤光輶車綉幄中坐美女垂足于床自天而下子
儀意是織女乃拜祝女笑曰大富貴亦壽考言訖冉
冉而去後子儀貴盛鎮河中疾甚三軍畏懼子儀曰
吾自知未衰墮因話其事衆稱賀後九十餘薨

牽牛

爾雅云星紀斗牽牛也注牽牛斗者日月五星之所終始故謂之星紀又云何鼓謂之牽牛注今荆楚人呼牽牛星爲檐鼓檐者何也疏如此文則牽牛何鼓一星也漢書以爲二星郭注順經爲說○漢書云牽牛爲犧牲其北河鼓河鼓大星上將左左將右右將○晉書曰牽牛六星天之關梁主犧牲事其北二星一曰卽路一曰聚火又曰上一星主道路次二星主關梁次三星主南越占明大關梁通不明不大天下牛疫死移入漢中天下亂○史記東至于牽牛言陽

氣牽引萬物出也牛者冒也言地雖凍能冒而生也
牛者耕植種萬物也○晉志曰天田九星在牛南井
田之象農丈人在焉羅堰三星在牛東主潞蓄水九
坎九星在牛南主溝渠天淵導達泉源疏盈瀉滿通
溝洫也九坎間十星曰天池一曰天海皆主灌溉○
牛星步天歌云六星近在河岸頭頭上雖然有兩角
腹下從來欠一足牛下九黑是天田田下三三九坎
連牛上直建三河鼓鼓上三星號織女左旗右旗各
九星河鼓兩畔左邊明更有四黃名天桴河鼓直下
如連珠羅堰三鳥牛東居漸臺四星似口形輦道東

左連五丁輦道漸臺在何許欲得見時近織女

啟明 長庚

詩緝李氏曰啟明卽太白長庚不知何星毛氏云一星后世因之遂以長庚爲太白故李白母夢長庚名白字太白○鄭樵曰啟明金星長庚水星金在日西故日將出則東見水在日東故日將沒則西見實二星也○韓詩曰太白晨出東方爲啟明昏見西方爲長庚則又爲一星矣○王公大將軍之象○傳云日旦出謂明星爲啟明日旣入謂明星爲長庚庚續也○廣雅云太白謂之長庚或謂之太器○前漢天文

志云長庚廣如一匹布著天此星見起兵○名物疏按天文志所云長庚乃變異之象非每昏常見者也

畢

畢曰罕車爲邊兵主弋獵○爾雅云濁謂之畢○孫炎曰掩兔之畢謂之濁○晉志曰畢八星大星曰天高一曰邊將主四夷之尉也星明大天下安遠夷人貢失色邊亂畢動兵起月宿則多雨又曰附耳一星屬畢大星之下主聽得失伺讒邪星盛中國有盜邊候驚外國反移動讒佞行附耳南八星曰天節使臣所持天節下九星曰九州曉方俗之官也○孫炎云

畢昴之間日月五星出入要道也○正義曰天街二
星在畢昴間街南爲華夏北爲夷狄土金守胡兵入
也○王應電曰昴主刑獄畢主邊兵小刑刑大刑兵
皆列象西方天街北有天關主邊防關塞天高主望
雲物觀邊警○後漢蘇竟傳云畢爲天網主網羅無
道之君故武王伐紂上祭于畢求助天也○漢書云
西方爲雨雨少陰之位也月失中道移而西入畢則
多雨○畢星步天歌云畢似瓜叉八星出附耳畢股一
星光天街兩星畢背旁天節耳下八烏幢畢上橫列
六諸王王下四阜天高星節下團團九州城畢口斜

對五車星車有三柱任縱橫車中五箇天潢精潢畔
咸池三黑星天關一星車腳邊參旗九箇參脚間旗
下直建九旂連旂下十三烏天園九旂天園參脚邊
斗

北斗九星七見二隱第八第九是帝皇太尊精神也
霍光家有典衣奴忽見二星在斗中光明非常遂得
增年六百○斗有環域北斗七星輔一星第一星曰
魁第五星曰衡第七星曰杓此三星謂之斗綱天之
元氣無形可見觀斗綱所建之辰可知也北斗七星
所謂璇璣玉衡以齊七政杓構龍角衡殷南斗魁枕

參首用昏建者杓杓自華以西南夜半建者衡衡殷
中州河濟之間平旦建者魁魁海岱以東北也斗爲
帝車運乎中央臨制四鄉分陰陽建四時均五行移
節度定諸紀皆本于斗○晉志曰北斗七星在太微
北七政之樞機陰陽之元本也故運乎天中而臨制
四方以建四時而均五行也魁四星爲璇璣杓三星
爲玉衡又曰斗爲人君之象號令之主也又爲帝車
取運動之義也又第一星曰天樞二曰天璇三曰璣
四曰權五曰玉衡六曰閭陽七曰搖光第一至第四
爲魁第五至第七爲杓杓合爲斗居陰布陽故稱北

言經卷之六
樞爲天璇爲地璣爲人權爲時玉衡爲音開陽爲律
搖光爲星○北斗七星相去九千里皆在日月下其
二陰星不見者相去八千里也○淮南子北斗之神
有雌雄十一月始建于子月從一辰雄左行雌右行
○天官星占云北斗爲帝車○荆川星占云七星主
衣裳文繡一名天厨○斗一南而萬物生一北而萬
物死日一北而萬物生一南而萬物死斗日互行而
成歲功也○斗隨天而左旋故一日而進一度日退
天而右轉故一日而不及天一度斗日一周而成一
歲也草木○斗星步天歌云六星其狀似北斗魁上

建星三相對天弁建上三三九斗下圓安十四星雖
然名繫貫索形天鷄建背雙黑星天籥柄前八黃精
狗國四方鷄下生天淵十星繫東邊更有兩狗斗魁
前農家丈人斗下眠天淵十黃狗色玄○唐太宗時
李淳風奏北斗七星當化爲人明日至西市飲酒候
之有僧七人共飲酒二石太宗召之笑曰此必李淳
風小兒在彼言我也忽不見北斗化七豕僧一行事
○朱傳云箕斗二星以夏秋之間見於南方云北斗
者以其在箕之北也或曰北斗常見不隱者也○晉
書云北斗南斗六星天廟也丞相太宰之位主褒賢

進士稟授爵祿又主兵一曰天機南二星魁天梁也
中央二星天相也北二星天府庭也亦爲壽命之期
將有天子之事占于斗斗星盛明王道平和爵祿行
○易是類謀曰斗機絕綱玉衡撥攝提亡五星合狼
狐張○鄭玄云斗者天中之精天失其平故斗機絕
綱玉衡撥也攝提者斗前之星爲斗施政教布之八
野今斗失其政故攝提亦爲之亡不見也○文耀鉤
云斗者天之喉舌玉衡屬杓魁爲璇璣○斗威儀曰
審候五色○宋均注曰北斗七星有五色宮商角徵
羽各應其星○關令內傳曰北斗一星面百里相去

九萬里置二十四氣四宿行四時五方立五星主五岳也○石氏云第一曰正星主陽德天子之象也二曰法星主陰刑女主之位也三曰令星主中禍四曰伐星主天理伐無道五曰殺星主中央助四旁殺有罪六曰危星主天倉五穀七曰部星亦曰應星主兵

日月

計然曰日者寸也紀刻而成晷也月者尺也紀度而成數也○淮南子四時者天之吏也日月者天之使也星辰者天之期也○日之爲言實也常滿有節月之爲言闕也有滿有闕也○日與天會而有氣盈卽

曆書所謂大餘八小餘五也月與日會而有朔虛卽
曆書所謂大餘五十四小餘三百四十八也大餘日
也小餘分也五歲再閏而無餘日十九歲七閏而無
餘分曆書所謂無大餘無小餘也

升庵集

○黃庭經云

高奔日月吾上道鬱儀結璘善相保注引上清紫文
云鬱儀奔日之仙結璘奔月之仙○吳泉卽虞淵也
吳古虞字省文唐人避淵爲泉避神堯諱也河圖緯
象云邠之隘上爲扶桑日所升宜陸之阻上爲吳泉
月所登○朱子曰曆家以進數難筭只以退數筭之
故謂之右行乃云日行遲月行疾此錯說也曆家若

順箕則箕着邢相去處度數多季通云西域有九執曆是順箕又曰橫渠少遲則右行之說極精如以大輪在外一小輪載日月在內大輪轉急小輪轉慢雖都是左轉只有急有慢便覺日月似右轉了○日體徑一度半自西而東一日行一度一歲一周天所行之路謂之黃道與赤道相交半出黃道外半入赤道內冬至之日黃道出赤道外二十四度去北極最遠日出辰日入申故時寒晝短而夜長夏至之日黃道入赤道內二十四度去北極最近日出寅日入戌故時暑晝長而夜短春分秋分黃道與赤道相交當兩

極之中日出郊日入酉故時和而晝夜均焉月體徑
一度半一日行十三度百分度之三十七二十七
有餘一周天所行之路謂之白道與黃道相交半出
黃道外半出黃道內出入不過六度如黃道出入赤
道二十四度也與日同度謂之朔邇一遐三謂之弦
分天體為四一分近日一
分爲通遠日一分爲遐衡分天中謂之望光盡體伏
謂之晦月行于白道與黃道正交之處在朔則日食
在望則月食○鬱華赤文與日同居結鄰黃文與月
同居皆日月之神名七聖記○日出于扶桑入于細柳
日行一度二千里晝行一千里夜行一千里月行十

三度十度二萬里一日一夜行二萬六千里與鳧飛相類○邵子曰日食月以精月食日以形○草木子月食時辰多天下見之其分數皆同日食時辰少天下見之其分數皆不同由日食月以精其所虧之分其明全盡所以天下皆同也月食日以形其虧之分正當其下則分數同及側遠望之則分數或少或多所以天下多不同也日之食月闇虛之精大故食時辰多月之食日其形小故食時辰少○漢尚書令黃香曰日蝕皆從西月蝕皆從東無上下中央者○埤雅云朔而月見西方夕見望然後出于東方夜見日

月之盛皆在東方○禮記王者兄事日姊事月○日月者天地之司徒司空也日姓張名表字長史月姓文名申字子光出老子歷藏中經○山海經云大荒之中山日常暘日月所入○日之中有三足鳥月有蟾蜍玉兔數始于一立于三三奇數也蟾兔皆四足數偶也日蟾兔者陰陽雙居明陽制陰陰倚陽也蟾蜍陽也○河圖曰蟾蜍去月天下大亂○呂覽云羲和作占日尚儀作占月

日

日光外照徑八十一萬里○日道出于列宿之外萬

有餘里○書考靈曜云日光照四萬六千里○地說
書云日照四十五萬里○夏日宿在東井出寅入戌
冬日宿在牽牛出辰入申○易曰日入地中明夷邵
子曰日入地中構精之象後人遂謂日晝行天夜行
地中丘長春曰輕清者上騰爲天重濁者下凝爲地
萬物有形重濁皆附于地三光輕清悉上於天旣上
於天如何却沉于地乎且星隕于地而化爲石星墜
地猶然況地下乎二十八宿周天均布大陽逐日會
合逐月遷移一歲之中經歷周徧且如日在箕斗箕
斗在天河日入地時星河皆入地即日獨入地而星

河只在天耶若云星河皆入地則七八月間河漢猶顯日正東西出沒初夜則河漢東北西南向曉則東南西北是知河漢不入地而隨天運行若日入地時與箕斗圻破斗行天上而日轉地中天上空虛而行疾地中結實而行遲天地懸隔如何向曉東方出時卻得恰好與箕斗相會而同行天上乎天上日月常無出沒人間常有出沒此間東方日出時西向千里之外猶昧萬里之外猶昏北斗直西半夜北斗直北初沒子丑寅卯周天輪次迤邐而去未嘗暫止北斗幹運昭然可見而強稱入地有何義旨明夷文王拘

姜失勢之象何足爲據乎按明夷日入地中乃是假

象明理如天在山中之類邵子構精之說元儒已譏

其褻天矣

升庵集

○廣雅曰日名朱明一名朱光曰扶

光曰靈暉耀靈一名東君一名大明亦名陽鳥一名

九陽利眼○越絕漁父歌日照昭浸以晞晞日斜也

遼左有東曉縣賈誼賦日斜庚子

斜音移

○劉向九歎

結余軫于西山兮橫飛谷以南征王逸註飛日所行

處道也○日出于暘谷浴于咸池拂于扶桑是謂晨

明登于扶桑是謂朏明出于曲阿是謂朝明臨于曾

泉是謂早食次于桑野是謂晏食臻于衡陽是謂隅

詩經類考

卷之三

七

中對于昆吾是謂正中靡于子是謂小還至于悲
谷是謂晡時回于女紀是謂大還經于泉隅是謂高
春頓于連石是謂下春爰息六螭是謂懸車薄于虞
泉是謂黃昏淪于蒙谷是謂定昏日入崦嵫經細柳
入虞泉之汜蒙谷之浦垂影在樹端謂之桑榆淮南子
○周髀家云日朝出陽中暮入陰中陰氣暗冥故沒
不見夏時陽氣多陰氣少陽氣光明與日同輝故日
出卽見無蔽之者故夏日長也冬天陰氣多陽氣少
陰氣暗冥掩日之光雖出猶掩不見故日短○日有
永短由地有升降春秋分時地適當天之中其日出

郊入酉且行中陸故長短勻由春分而夏至陽日升地日降而下其日出寅入戌且行北陸故永由秋分而冬至陽日降地日升而上其日出辰入申且行南陸故短○日在地上時多故地熱而井水寒也日在地上時少故地寒而井水溫○日初出時見日大宜當熱而寒涼者陰凝而陽未勝也日中天見日小宜寒涼而漸煖熱者陽積盛而陰消也○廣海冬熱由冬日南行正當戴日之下故熱朔北夏寒日雖北行直當陰山之背處日光斜及故寒由此觀之南北寒熱由日也○乙巳占云日者光明外發晷體內全匿

精揚輝圓而常滿此人君之體也晝夜有節循度有
常春生夏養秋收冬藏人君之政也星月稟其光辰
宿宣其氣生靈仰其照葵藿慕其恩此人君之德也
○雜兵書云日冠者如半暈也法當在日上有冠文
有兩珥者猶吉○日至夜曰匿日過中曰側○易傳
云日者衆陽之宗內明玄黃五色無主以象人君精
精似青翼翼似黑玄玄似赤縞縞似白煌煌似黃光
照無主不可以一色名也○日御曰羲和○爾雅云
觚竹北戶西王母日下謂之四荒距齊州以南戴日
爲丹穴東至日所出爲太平西至日所入爲太蒙

月

乾鑿度云月三日成魄八日成光蟾蜍體就穴鼻始

明

穴決也
決鼻鬼

○禮斗威儀云政太平則月圓而多輝政

升平則月清而明○瑜伽論大海中有魚鱉等影現
于月輪故其內有黑相現○西域記月盈至滿謂之
白分月虧至晦謂之黑分或十四日或十五日有
大小故也黑前白後合爲一月六月合爲一行日游
在內北行也日遊在外南行也總此二行合爲一歲
○什名云月始生霸霸然月之體黑故曰霸通作魄
晦灰也月死爲灰月光盡也朔蘇也月死復蘇生也

弦月半之名也其形一旁曲一旁直若張弓弦也月
日相望之謂望既望之後漸虧謂之側至晦無光謂
之匿○河圖帝嬉云月者金之精也○方言云日運
爲纏月運爲逡○望前曰白博義望後曰黑博義九
惜○晦爲灰月大月曰大盡小月曰小盡○漢書云
月分則同道至則相過○晦而月見西方謂之朏朏
條也條健行疾貌也朔而月見東方謂之朏亦謂之
側匿朏縮遲貌側匿猶縮悞也亦遲貌○月者陰之
精也是以月望而魚腦生月死而羸確淮南○呂
氏春秋云月羣陰之本月望則蚌蛤實群陰盈月虧

而蚌蛤虛群陰孳夫月形於天而群陰化於淵○月
黑則蟹肥月明則瘦雅埤○姮娥奔月是爲蟾蜍○月
御曰望舒亦曰纖阿○軍國占候曰若月有三珥者
大臣有喜若月冠而復暈者天下有喜○月徑千里
周圍三千里下於地七千里一日夜行二萬六千里
照四十五萬里○當日之衝光常不合是謂闇虛在
星則星微遇月則月食○荆大聲云月體自若而星
居月上此爲星食月月遇之而星隱不見此爲月

風

釋名云風交豫司橫口合唇言之風汜也其氣博汎

而動物也青徐開厝推氣言之風放也氣放散也○
埤雅云天地之氣噓而成雲噫而成風雲陽而出於
陰風陰而出於陽○爾雅曰南風謂之凱風東風謂
之谷風谷之言穀穀生也北風謂之涼風西風謂之
泰風凱風言其情谷風言其自涼風言其德泰風言
其交○風之爲言萌也雲雷雨雪皆至半空風則薄
乎天愈高愈勁其立字垂動于几中者爲風○易曰
撓萬物者莫疾乎風又曰風以動之○書曰休徵曰
聖時風若舛徵曰蒙恒風若○河圖云風者天地之
使也○周禮以樵燎祀飗神風師箕星也戌之神爲

風伯故以丙戌日祀于西北箕一名天鷄凡日月宿
在箕壁軫翼者風起○呂氏春秋曰風師曰飛廉應
劭曰飛廉神禽能致風氣者也○樂動聲儀云風者
禮樂之使萬物之首○風賦叙云風者天之號令譴
告人君者也○黃帝風經曰調暢祥和天之喜氣也
折傷奔厲天之怒氣也又云風不及地和緩而來謂
之祥風○春秋考異郵云八風殺生以節翺翔距冬
至四十五日條風至條者達上也四十五日明庶風
至明庶者迎惠也四十五日清明風至清明精芒挫
收也四十五日景風至景者強也強以成之言陽氣

長養也四十五日涼風至涼寒也陰氣行也四十五
日閭闔風至閭闔者咸收藏也四十五日不周風至
不周者不交也陰陽未合化也四十五日廣莫風至
廣莫開陽氣也

陽生于五極于九五
九四十五日一變風

○宋玉風賦云

夫風生于地起于青蘋之末浸淫谿谷盛怒于土囊
之口緣于太山之阿舞于松柏之下飄忽溷滂激揚
嫖怒𦦒𦦒雷聲迴穴錯迕𦦒石伐木梢殺林莽至其
將衰也被麗披離衝孔動樞眴煥燦爛離散轉移故
其清涼雄風則飄忽升降乘凌高城入于深宮邸萼
葉而振氣徘徊于桂椒之間翱翔于激水之上將擊

芙蓉之精獵蕙草離秦蘅槩新夷被梯楊迴亢衡蕭
條衆芳又云塌然起于窮巷之間堀堞揚塵勃鬱煩
冤衝孔襲門動沙堰吹死灰駭溷濁揚腐余邪薄入
甕牖至于室廬此所謂庶人之雌風也○管子云風
漂物者也風之所漂不避貴賤美惡○董子曰太平
之世風不鳴條開甲破萌而已○子華子曰風涵太
玄之中精故能動化百物而行乎天上風陰也而其
發爲陽○歲時記冬至至夏至有二十四番花信風
始梅花終楝花○國史補江淮沿沂流而上常待東
北風謂之信風七八月有上信風三月鳥信風五月

有麥信風○周禮保章氏以十有二風察天地之和
○列子獵葉之風不應于八節○爾雅曰春爲發生
夏爲長羸秋爲收成冬爲安寧四氣和爲通正謂之
景風箕星風師也飛廉風伯也風伯或云名方道彰祭風曰磔
注道中磔狗而祭以止風蓋旣祭而披磔其牲以風
散之也○抱朴子曰拔木之風必千里○凡大風非
常三日三夜者天下盡風也兩日夜者半天下一日
夜者千里風也○風角云風或清明久長不搖樹枝
葉離地二三丈者此有龍德在其下風或清不及地
二三尺者此君子之風也○兵書云風從震來名嬰

兒風○呂氏春秋曰東風曰滔風○十州記云炎州在南海中上有風生獸似豹青色以鐵鎚鍛其頭數十下乃死張其口向風須臾而起○交州記云風母出九德縣似猿見人若慙屈頸打殺得風復活○王歆州記云沉軍壘北有崐崙山連峙千仞嶺岑常颺有風竅○荊州記云沮陽縣黃竹山常肅肅有風名曰風門○南海經云蒼梧山左右出風號風門○南越志云熙安間多颺風颺者具四面之風也○山海經云發爽之山又東四百里至于旄山之尾其南有谷曰育遺多怪鳥凱風自是出○崐崙山有祛塵風

衣服塵汚者風至吹之衣則淨如澣濯○山海經云
令丘之山無草木多火其南有谷焉曰中谷條風自
是出又云符陽之山多怪風○靈爾雅云風而雨土
爲霾案霾雨土也謂風疾起如雨也○崔豹古今注
曰漢昭帝元鳳三年天雨黃土晝夜昏霾○釋名曰
風而土曰霾霾晦也言如物塵晦之色也○風爲吼
天氏○南海秋夏間或雲物慘然有暈如虹長六七
尺此候則颶風必發故呼爲颶母忽有震雷則風不
作矣又云颶風將發有微風細雨先緩後急謂之鍊
風○山海經云大荒之中有山曰鞠陵于天日月所

出名曰折丹處東極以出入風注曰折丹神人也○
宋炳詩序云恒山風井口如甕春分後出秋分後入
宜都徂山縣山有風穴口大數尺名曰風井夏則風
出冬則風入出入之時吹拂左右嘗淨暑月經之凜
然有衣裘想○扶風傳云西海有山迴迴千里有大
石鼓可百丈海行聞石鼓聲如雷則鯨便起而風也
○梁州記云褒谷內有風出三四里無草木○暄釋
名云暄翳也言掩翳日光使不明也○顏爾雅曰然
輪謂之顏郭璞以爲顏暴風從上下也○詩傳云顏
風之焚輪者風薄相扶而上也則與璞之意異矣蓋

風之銳而上者爲焱旋而上者爲飈莊子曰搏扶搖
羊角而上者九萬里扶搖卽焱也羊角卽飈也○北
風曰涼風一日後風迴風曰飄風日出而風曰暴風
○埤雅曰物或以風化或以火化西方之鹽以風化
東方之鹽以火化也易曰風自火出家人水生雨雨
更以成水火生風風更以成火故爾雅曰風與火爲
庵以此

雨

天將雨人之病爲之先動是陰相應而起也天將陰
雨又使人睡卧者陰氣也○書云休徵曰肅時雨若

郤徵曰在恒雨若○釋名曰雨水從雲下也雨輔也
言輔時生養均遍也又曰雨羽也如鳥羽動則散也
○河圖帝通紀曰雨者天地之施也○雨師曰屏翳
亦曰號屏風俗通曰玄冥雨師也○列仙傳曰赤松
子神農雨師也○易飛候云太平之時五日一風十
日一雨歲凡三十六雨此休徵時若之應○春秋說
題辭曰一歲三十六雨天地之氣宣十日小雨應天
文十五日大雨以斗運也○曾子曰天地之氣和則
雨故凡易稱雨者皆和之象○春秋潛潭巴云陽致
於陰故水爲雨○范子計然云風爲天氣雨爲地氣

風順時而行雨應風而下命曰天氣下地氣上陰陽
交通萬物成矣○京房易飛候云黑氣如覆船於日
下立雨○黃子發相雨書曰常戊申日候日欲入時
上有冠雲不問大小視四方黑者大雨青者小雨○
淮南子曰黑蜺神虬潛淵而居將雨則躍蜺音麗○俗
說社公不食舊水故近社日必有雨○靈雨善雨也瑞
應圖靈雨瑞雨也降而應物謂之靈雨徐雨曰零雨
暴雨謂之凍雨雨三日以徃爲霖霖震風凌雨謂暴雨
也屑雨飛洒之貌小雨曰霖霖霖瀝霑漬如人之沐
也霖脉膏潤入土如人之脉也○山海經曰羽山其

上多雨而符陽之山多怪雨雲風之所出也○董子
云太平之時雨不破塊津莖潤葉而已○尸子曰神
農氏治天下欲雨則雨五日爲行雨旬爲穀雨旬五
日爲時雨正四時之制萬物咸利故謂之神○鹽鐵
論曰周公太平之時風不鳴條雨不破塊旬而一雨
雨必以夜○陰暄未集魚已噞喁天將雨鵠知之知
天文者冠鵠冠鵠知天文故也○焦明至爲雨備焦明
水鳥也○朱鰲浮于江上必大雨○夜半天漢中有黑
氣相逐俗謂之黑猪渡河雨候也○雲覆北斗大雨
○月初生而仰則月中多雨○武昌記曰武昌有龍

山如欲陰雨其上有聲如吹角○廬山記云天將雨
山氣如車馬○歲時記春日榆莢雨夏至前曰梅雨
五月曰陽轍雨六月濯枝雨七月六日日洗車雨八
月豈花雨九月黃雀雨○三月桃花雨四月梅子雨五
月迎梅雨又桐花雨六月送梅雨○嶽雨古雋略梅雨
當作嶽雨時訛爲梅耳服器溥潮曰嶽通書作霽黥
廣韻作鰲或作沴○南徐州記云郟縣有石穴高丈
餘容數人天將雨雲輒群行暎山山亦出雲應之卽
大雨○荊州圖記云昆陽泉有柏枝山石泉名雨穴
請輒雨○荊州記云臨賀界有卧石似人而色青黃

隱起北鄉若旱祭之卽雨○棘道有大黎山小黎山
四時霖靈不絕俗呼爲大漏天小漏天○宜都記云
郡西北有卅山霧起如烟再朝必雨○武昌記云城
西有石鼓山上有三石鼓鼓鳴天必雨也○安城記
云萍鄉西城津有玉女岡天當雨輒先漏五色氣于
石間俗謂玉女披衣○大雨由天小雨由山○什名
曰祭雨曰升

雪

說文曰凝雨說物者從彗蓋雪雨之可掃者也亦能
淨坻穢若彗所以謂黍雪桃李者以淨爲義臘雪握之

言系卷之六
輒聚立春以後不復可搏亦以微溫搏之故也夏小
正云農及雪澤言雪澤之無高下也○洪範五行傳
云雨雪者陰之蓄積甚也○釋名曰雪綏也水下遇
寒氣而凝綏綏然下也○春秋元命苞曰天地積陰
寒則爲雪○曾子曰陰氣盛則凝爲雪○月令孟春
行冬令雪霜大摯孟令行秋令霜雪不時○潛潭巴
云大雪甚厚必有女主天雪連月陰作威○宋均曰
雪爲陰臣道○呂覽草木之花皆五出雪花獨六出
朱文公謂地六水之成數雪者水結爲花故六出亦
陰極之數也○雪寒在上故山高多雪霜寒在下故

平地多霜○平地尺爲大雪雪有七尺雪○語曰冬
無積雪夏無餘糧○論衡曰雲霧雨之徵也夏則爲
露冬則爲霜溫則爲雨寒則爲雪雨露凍凝者皆由
地發不從天降○西京雜記曰太平之代雪不封條
凌殄毒害而已○汜勝之書曰取雪汁以漬原蚕矢
漬五六日釋因摩之雜穀種使稼能旱故謂雪五穀
之精也○王子年拾遺記云西王母進周穆王以崦
州甜雪又云廣延國在扶桑常雨青雪○漢武內傳
云西王母進上藥有玄霜絳雪○晉朝雜事云泰康
七年十二月河陰赤雪降○山海經云由首之山小

威之山空桑之山並冬夏有雪○西域傳曰天山冬夏有雪

霰

什名云霰星也冰雪相搏如星而散也○爾雅云雨霰爲霄雪注云冰雪雜下者故爲霄雪霰古作霰霄卽消也○說文云霰稷雪也閩俗謂之米雪今名瀟雪亦名濕雪○曾子曰陽之專氣爲霰陰之專氣爲雹盛陽之氣在雨水則溫煖爲陰氣薄而脅之不相入則搏爲雹也盛陰之氣在雨水則凝滯而爲雪陽氣薄而脅之不相入則消散而下因水而爲霰○爾

雅云雨雪相和爲霰○洪範五行傳云盛陰雨雪凝滯而冰寒陽氣薄之不相入則散而爲霰霰者陽脅陰也○箋云將大雨雪始必微溫雪自上下遇寒氣而搏謂之霰久而勝寒則大雪矣○月令仲冬行夏令則天時雨汁注雨雪雜下爲汁○宋書符瑞志云韓詩曰先集惟霰薛君注霰英也花葉謂之英然則霰爲花雪

雲

說文云雲山川氣也從雨云象回轉形也○雲猶云云衆盛意也又言運也行也○河圖通紀云雲者天

地之本也○春秋說題辭云雲之爲言運也動陰路
觸石而起謂之雲含陽而起以精運也○禮記云天
降時雨山川出雲○春秋元命苞曰陰陽聚爲雲○
左傳云凡分至啟閉必書雲物爲備故也○周禮保
章氏以五雲之物辨吉凶水旱降豐荒之祲象○鄭
司農曰二至二分觀雲氣青爲蜺白爲喪赤爲兵荒
黑爲水黃爲豐○冬至初陽雲出箕如樹立春少陽
雲出房如積水春分正陽雲出軫如白鵠穀雨太陽
雲出張如車蓋立夏初陰雲出嘴如赤珠夏至少陰
雲出參如水波寒露正陰雲出井如冠纓霜降太陰

雲出鬼上如羊下如蟠石

易通卦驗

○四方常有大雲五

色具而不雨下有賢人隱也青雲潤澤蔽在西北爲

舉賢良黃雲如覆車大豐也○雲狀有若犬若馬若

白鵠若衆車有其狀若懸釜而赤其名曰雲旂

呂氏春秋

○斗威儀云人君乘水而王其政和平則景雲見景

明也言雲氣光明○四方有濯魚雲疾者立雨遲者

雨少難至江漢雲疾者卽日雨

黃子發相雨書

○初學記云

雲師曰屏翳○荀子冬日作寒夏日作暑廣大精神

請歸之雲○京房易要訣占候云雲形似箒雲下有

兵○京房易傳云青白赤黑雲在東西南北名曰四

塞之雲見卽有雨○兵書云雲如日月有赤氣繞地
不可攻城內有黑雲大如火星名曰軍精勿犯○易
通驗云立秋屬陰雲出如赤繒處暑雲出南黃北蒼
○兵書云有雲如丹虵隨星後大戰殺將○易飛候
云凡候雨有黑雲如羣羊奔如飛鳥五日必雨○兵
書云雲如雄雉或如雄鷄臨城其城必降又云雲氣
形似禽獸客吉主人之忌又云賊上雲如奔牛兵不
可往○西京雜記曰雲外赤內青謂之喬雲太平之
世雲則五色而爲慶三色而成喬以律切○韓雲如布
趙雲如牛楚雲如日宋雲如車魯雲如馬衛雲如犬

周雲如輪秦雲如行人魏雲如鼠齊雲如絳衣越雲如龍蜀雲如困書○史記曰若烟非烟若雲非雲郁紛紛蕭索輪菌是謂卿雲卿雲見嘉氣也○呂氏春秋曰山雲草莽水雲魚鱗旱雲烟火雨雲水氣無不比類其所生以示人○王子年拾遺云爛石色紅似柿燒之有香烟聞數百里烟氣升天則成香雲香雲遍潤則成香雨

綴疎

白虎通曰天弓虹也又謂之帝弓○通什曰虹之爲質不映日不成蓋雲薄漏日日映雨氣則生也今以

水暝日亦成青紅之暈○春秋孔演圖云霓者斗之
亂精也斗失度則投霓見態主惑于毀譽○蝦蟇卽
虹霓俗謂之蜺疏曰是陰陽交會之氣○朱子曰日
與雨交天地之淫氣也常依陰雲而晝見于日衝無
雲不見太陰亦不見虹爲雄色赤白蜺爲雌色青白
蜺一名挈○水虹屈蜺也主雨風虹月暈也主風水
虹滇人呼爲水椿○春秋感精符曰九女並譌則九
虹並見緯書凡曰女譌者謂嫡叔失叙也並載升庵集○
考異郵云虹霓出惑衆棄和○太玄曰紫蜺喬雲雨
圍君子小人並進之象也測曰紫蜺喬雲不知其刊

也紫蜺以象小人而雲以象君子紫蜺當刊而雲當

慶也

雲三色
爲商

○京房易傳云蜺旁氣也其占云妻乘

夫則見陰勝陽之表也○虹食壘軍奪帥虹飲釜室
利主家國之判異乎天人之際微矣○爾雅凡雙出
色鮮者爲雄曰虹暗者爲雌曰蜺一曰赤白色爲虹
青白色爲蜺故虹紅也地氣還矣天氣不復于是成
虹○沈約曰僕常恐人呼霓作平聲虹音紅又音絳
蜺通作霓一音臬○河圖稽耀鉤云鎮星散爲虹霓
虹霓主內淫又霓者氣也起在日側其色青赤白黃
○春秋元命苞曰虹霓者陰陽之精○運斗樞云樞

星散爲虹霓○什名曰虹陽氣之動虹攻也純陽攻陰氣也○說文曰霓屈虹青赤或白色陰氣也○禮記月令曰季春之月虹始見孟冬之月虹藏不見虹不收藏婦不專一○尚書考靈曜鄭玄注曰日旁氣白者爲虹○莊子曰陽炎陰爲虹○淮南子曰虹霓者天之忌也○文子曰天二氣卽成虹地二氣卽洩藏人二氣卽生病○春秋潛潭巴曰虹出后妃陰脅主五色迭至照於宮殿有兵革之事○月令章句云虹陰陽交接之氣著于形色者也陰陽不和婚姻失序卽生此氣有青赤色常依陰雲而晝見于日衝覲

則常依蒙濁見日旁白而直者曰白虹凡見日旁者
四時常有唯雄虹起是月至孟冬乃藏○太玄經云
紫蜺圍日其疾不割○朱註曰周禮十輝九曰隳音輝
通春秋注眊音視十輝之法以觀妖祥辨吉凶輝謂日
旁之光氣一曰褻陰陽氣相侵赤雲爲陽黑雲爲陰
二曰象如赤鳥三曰雋日旁雲氣刺日四曰監赤雲
在日旁如冠珥五曰闇日月食六曰朧日月無光七
曰彌雲氣貫日而過八曰叙雲氣次序如山在日上
九曰隳虹也十曰想雜氣有似可形像○虹由升氣
所爲故號虹爲隳○詩義問云夫婦失禮則虹氣盛

有赤色在上者陰陽雜氣也。○爾雅云蜺蜺謂之蜺
蜺蜺虹也。霓爲蜺。貳弁曰爲蜺。雲注蜺蜺虹也。見離
騷。蜺貳其別名也。見尸于蔽雲卽暈氣五彩覆日也。
○晉時晉陵薛願家有虹飲其釜中水須臾而竭。願
曰以酒祝而益之。虹復飲盡吐金滿釜而去。願家遂
至大富。述異記○長沙王道憐子義慶在廣陵卧疾食
次忽有白虹入室就飲其粥。義慶擲器于階遂作風
雨聲振于庭戶良久不見。○異苑云古者有夫妻荒
年菜食而死俱化成青絳。故俗呼美人虹。○黃帝出
軍訣云攻城有虹從外南方入飲城中者從虹攻之。

勝白虹繞城不匝從虹所缺擊之乃勝

霜

霜者陰精冬令也四時代謝以霜收殺霜之爲言亡

也物以終也

春秋考
與郵

○詩含神霧云陽氣終白露爲

霜○什名云霜者喪也其氣慘毒物皆喪也○禮記

曰季秋之月霜始降則百工休○易曰履霜堅冰陰

始凝也馴致其道至堅冰也○五經通義云寒氣凝

以爲霜霜從地升也○淮南子曰秋三月青女乃出

以降霜雪高誘曰青女天神主霜雪○周書降霜之

日豺乃祭獸○京房易傳曰政令苛則夏下霜誅伐

不行則冬霜不殺草誅不原情其霜附木不下地不
教而誅其霜反在草下○大戴禮霜陰陽之氣也陰
氣盛則凝而爲霜○孝經援神契云霜以挫物○京
房氣候云霜成就萬物者也○春秋感精符霜殺伐
之表季秋霜始降鷹隼擊王者順天行誅以成肅殺
之威若政令苛則夏下霜誅伐不行則冬霜不殺草
○嶠州霜甘○國語云駟見而實霜實霜而冬裘具
賈逵曰駟房星也○山海經云豐山有九鐘是知霜
鳴○說文霧反竹入早霜也皚霜之白者也○拾遺記
云廣延國扶桑山常雨青雪冰霜之色皆如紺碧○

仙藥中有玄霜絳雪

冰

冰坤卦初六履霜堅冰至象曰履霜堅冰陰始凝也
馴致其道至堅冰也○易通卦驗云大雪魚負冰注
曰負上近水也易曰乾爲寒爲冰○說文云冰水堅
也○左傳云日在北陸而藏冰西陸朝覲而出之其
藏冰也深山窮谷固陰沍寒於是乎取之其出之也
朝之祿位賓食喪祭于是乎用之其藏之也黑牡秬
黍以享司寒其出之也桃弧棘矢以除其灾祭司寒
而藏之獻羔而啟之火出而畢賦自命夫命婦至于

老疾無不受冰夫冰以風壯而以風出其藏之也周
其用之也徧則冬無愆陽夏無伏陰春無淒風秋無
苦雨癘疾不降民不夭札○月令云孟冬水始冰地
始凍仲冬冰益壯地始坼季冬冰方盛水澤腹堅命
取冰孟春東風解凍魚上冰仲春天子乃獻羔開冰
先薦寢廟○韓詩云冰者窮谷陰氣所聚不洩則結
而爲伏陰○風俗通云積冰曰凌冰壯曰凍冰流曰
澌冰解曰判○藏冰縣人傳之輿人納之隸人藏之
山人乃取山人謂虞官也○周禮云凌人掌冰正歲
有二月令斬冰三其凌春始治鑑祭祀共冰鑑賓

客共冰大喪共夷槃夏頒冰掌事秋刷注三凌三倍
以備消釋鑑如甄大口以盛冰置食物于中以禦溫
氣春始治之爲將獻羔啟冰也夷尸也尸之槃實冰
盤中置床下以寒尸也夏頒賜冰皆凌人掌其事秋
刷除冰室將納新冰凌人下士二人掌冰正○述征
記曰河冰始合要狐先行方得渡言狐欲渡河冰先
聽無水聲而後過也○神異經北荒有石湖方千里
無凹凸深五丈餘歲常冰惟夏至左右五十六日解
○西征記凌雲臺有冰井六月猶冰○西域志碎葉
國東熱海冬不冰○拘弘國有履冰珠持入江海可

行冰上○神異經云北方有冰萬里厚百尺鼯鼠在
冰下土中焉其毛長八尺可爲褥却風寒○拾遺記
云東海員嶠山有冰蚕長七寸有鱗角以霜雪覆之
始爲繭其色五采織爲文錦入水不濡投火不燎○
博物志曰削冰令圓舉以向日以艾承其影則有火
出

天文考卷